



सानसेयारि 'बड'सा' खीरालाइयाव अमाज्यादि जिउजो लोब्बा थावाय रायथाय, खन्थाय, अल', अल'बाथा आरु हावबायारि थावनि, पार्क बाइदिनि सायाव लिउनाय लिउदिबाँ दैथाय ठर/ सानसेयारि 'बड'सा' खीरालाइया अवेखानावै फोसावगोन।
बड'सायाव लिउठरनायनि हुबा खालाम, 'बड'सा' खी नोथा, जो बयबो आंगो खालाम।

सानसेयारि बड'सा मावखुलि
माइबं नोगोर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Wednesday ★ 4 December, 2024 Kokrajhar, BTC, Assam ★ Vol.- 33, Issue No. 246 ★ R.N.I.Regd.No.40994/91, Assam Govt. Regd.No.IPRD.40/2006/3, ★ Rs.8/-

आसामनि गिबि मन्थि हिमन्त बिश्वा शर्मा आ ड'नार मन्थि सिन्धियाजों जौगाखां हाबाफारिफोरनि सायाव सावरायदों

गोदान दिल्ली, 3 डिसेम्बर: आसामनि गिबि मन्थि ड हिमन्त बिश्वा शर्मा आ दिने गोदान दिल्लीआव मिरु मन्थि ज्योतिरादित्य एम सिन्धियाजों मोनसे सावराय मेल जथुमो। बे जथुमाव बिथांमोनहा राइज्योनि जौगानायखौ थुलुंगा होनायनि थांखिजों गुबुन गुबुन आगानफोरनि सायाव सावरायलायो। बे जथुमाव अष्टलक्ष्मी महत्सवजों लोगोसे सा-सान्जा ओन्सोल जौगाथाय बिफान (ड'नार) जों मदद होजानाय गुबुन गुबुन गहाइ मावथांखिफोरनि सायाव गोसो



होयो। गिबि मन्थि ड शर्मा आ फेंगो 2025 माइथायनि फेब्रुवारीआव गुवाहाटीआव जानो गोनां एडभान्टेज आसाम सामिटआव बाहागो लानो थाखाय मन्थि सिन्धियाखो हांखायो। सानेबो दैदेनगिरिफोरा आसामाव गुवार आरो अरायथा जौगानायखौ रोखा खालामनो थाखाय सोलिबाय थानाय हेफाजाबनि गोनांथिनि सायाव नोजोर होयो। बेनि गेजेराव, बे सप्ताहनि जागायजेन्नायाव तामुलपुर जिल्ला खुंथाइजों थानाय शुरुबारखालि जिल्ला (□ 6 बिलाइआव)

राज भवन आसामा नागालेन्डनि गायसन्नाय सान फालिदों

गुवाहाटी, 3 डिसेम्बर: 'एक भारत श्रेष्ठ भारत' हाबाफारिनि बाहागो महरें, राज भवन आसामा राइज्यो बेंगिरि लक्ष्मण प्रसाद आचार्य, हान्था-मेलानि, ना फिसिन्याय बायदि बिफाननि मन्थि केशव महन्त, रांखाय मन्थि अजन्ता नेउग, गोहो मन्थि नन्दिता गार्लसाआ दिने कार भवननि सावराय न'ब्लाडाव नागालेन्डनि गायसन्नाय सान फालियो। बे फालिथायनि थांखिया हादत नाडै नो रोखोमथियाव खौसेथिखौ बांहोनाय। राइज्यो बेंगिरि लक्ष्मण प्रसाद आचार्य आ गारनि गोसो गोर्बोनिफ्राय गाहाम हामब्लायथि जासिनानै



बुडोदि भारतनि समायना सा-सानजा ओन्सोलाव थानाय नागालेन्डआ मिथिंगायारि समायना, बायदि रोखोमनि दोरोफोर आरो उनमोनथाइजों बुंफबनाय हा। बे राइज्योआ गोबां थागिबि हारिसाफोरनि न', जाय गावनि सोमखोर हाजोफोर, बोहैनाय दैमाफोर आरो बायदि रोखोमनि बिफा-लाइफां आरो जिब-जुनातनि थाखाय मुंदांखा। बेनि गोमोथाव नुथाय आरो गोबां जिब- (□ 6 बिलाइआव)

लक जागरण मन्स'आ कक्राझारआव बांलादेशनि थासारिखौ लानानै हेंथा लामा हान्जा सुरदों



कक्राझार, 3 डिसेम्बर: भारत माताकी जै, जै श्रि राम, महम्मद युनुस दैदेनाय बांलादेश सरकार हाय-हाय बायदि स्त'गान होनाय थासारिखौ गोमखांहोनाय बांलादेशआव थानाय हिन्दुफोरनि सायाव आधिखालाव हिंसा आरो उतरखार जाथाय सोमजिनयायखौ बन्द खालामनायनि दाबि देखानानै दिने बिटिसिनि सदर कक्राझारआवबो गेदेर हेंथा लामा हान्जा सुरनाय जादों। (□ 6 बिलाइआव)

देहा सिबिथाय फोर्बोखौ उदालगुरियाव जिल्ला बेंगिरि पुलक पाठगिरिआ बेखेवना होबाय



उदालगुरि, 3 डिसेम्बर: राइज्योनि देहा खोन्डोनि गुदि बिथाखो फोर्बोखानाय आरो गुन गोनां मान थानाय सिबिथाइखौ रोखा खालामनायनि थांखिजों आसाम नाडेनो दिने 3 डिसेम्बरनिफ्राय 3थि खोलोबनि देहा सिबिथाय फोर्बोआ जागायजेनबाय। राइज्यो सरकारनि देहा बिफाननि बाञ्जानायाव खुंनाय देहा सिबिथाय फोर्बोआ दिनेनिफ्राय फेंगो 5 डिसेम्बरसिम खुंजागोन। गुबुन गुबुन जिल्लाजों लोगोसेनो उदालगुरि जिल्लायावबो दिनेनिफ्राय देहा सिबिथाइ फोर्बोआ बेखेवजाबाय। उदालगुरि दख'रा गुदि देहा मिरुनि मेल जथुमसालियाव खुंनाय हाबाफारियाव जिल्ला बेंगिरि पुलक पाठगिरिआ फोर्बोखो बेखेवना होयो। बेखेवनाय हाबाफारियाव बेसेन थि खालामगिरि (□ 6 बिलाइआव)

आक्रासुनि निमुवा दखरा आफाद दाफुदों

भबानिपुर, 3 डिसेम्बर: दुलाराइ कच-राजबंशि फरायसा आफाद आक्रासुनि निमुवा दखरा आफादनि बोसोरारि सरासनस्हा मेलखौ दिने सालबारि महकुमानि खोला दुमुसुरिगुदि फरायसालिनि लांगोनायाव खुंनाय जायो। आक्रासुनि निमुवा दखरा आफादनि आफादगिरि महस्वर बर्मननि आफादगिरि मासि सामब्लायनाय मेलव आक्रासुनि मिरु आफादनि जथाय नेहाथारि कपिल देब सिहआ गहाइ आलासि महरें (□ 6 बिलाइआव)

आसामनि राइज्यो बेंगिरिया गोजौ सोलेंथायारि फसंथानफोरनि गाहाइफोरजों सावरायदों फसंथानफोरखौ जौगाखां भारत लाइमोन दैदेनगिरि बिबुंखिखौ जाफुंसार होनो खावलायदों

गुवाहाटी, डिसेम्बर 3: जौगाखां भारत लाइमोन बिबुंथि थामहिनबा गोदानै सानखांजानाय हादतआरि लाइमोन फोर्बो, 2025 खौ नोजोर होनाय आसामनि राइज्यो बेंगिरि लक्ष्मण प्रसाद आचार्यआ दिने राज भवनआव राइज्यनि गोजौ थाखोनि सोलेंथायारि फसंथानफोरनि गाहाइफोरजों सावराय मेल खुडे। जौगाखां भारत लाइमोन बिबुंथिनि फसंथानफोरनि गाहाइफोरखौ मिथिहोनाय, राइज्यो बेंगिरिया बिसोरखौ सावरायनायाव फरायसाफोरनि बांसिन बाहागो लानायखौ रोखा खालामनो खावलायनायजों



लोगोसे बे बिथिडव दासिम खालामनाय थियारिफोरखौ नोजोर होयो। राइज्यो बेंगिरि आचार्यआ बुडोदि बे हाबाफारिनि मोनसे मख'जाथाव आखुथाया जादों जौगाखां भारत चेलेन्ज जाय फरायसाफोरखौ हादतन सायाव गावसोरनि गियान आरो गुबुन गुबुन बिथिडव मोनदानाय जौगानायखौ दिन्थिनो थाखाय थोजसे दिन्थिपुंनय होगोन। बेनिखायनो बिथाख फसंथानफोरनि गाहाइफोरखौ गावसोरनि फरायसाफोरखौ माइ भारत पर्टेलनि गेजेरजों रेबथुमनो थुलुंगा (□ 6 बिलाइआव)

एमसिएलए मन्तु बर'आ ककलाबारि फार्म थानाय लामायाव गोदानै आरसिसि दलं बेखेवदों

सालबारि, 3 डिसेम्बर: बाक्सा जिल्ला 22 नं ककलाबारि बियाबनि खामारदेंसा भिसिडिसिनि सिडव थानाय गुरुमारायाव थानाय एबा 127ए नं राजा लामाजों नंजाबनाय ककलाबारि फार्म थानाय लामाया 4 - 3 बोसोरसो सिगांनिफ्रायनो गेजेराव बायग्रबनानै दंमोन। गोबाव सम बायग्रबनानै थानाय बे लामाखौ दिने 2023-24 बोसोरारि



बि.टि.सि इन्फ्रासटाक्सार मावखास्थिनि गेजेरजों बेखेवनानै होयो 22 नं ककलाबारि

मावफुं जागोन बे आरसिसि दलंआ। 4 - 3 बोसोरसो सिगांनिफ्रायनो आबाद मावनायाव थांलाय-फैलाय हान्था-मेलानजों भुगिनांनय ककलाबारि बियाबनि सिडव थानाय गोबां आबाद मावनानै जाग्रा राइजो-राजाफोरा गोबां खस्थ'जों भुगिनांनानै दंमोन। दिने राइजोनि हान्था-मेलानि थाखाय बि.टि.सि (□ 6 बिलाइआव)

कसुगावआव मुलुगनां बेंगुरा सान फालिथायाव हाग्रामा महिलारीआ बाहागो लादों

गसाइगाव, 3 डिसेम्बर: कक्राझार जिल्ला बेंगुरा आफादनि बाञ्जानायाव आरो जिल्ला समाज अन्साइ बिफाननि हेफाजाबाव कक्राझार जिल्लानि कसुगावआव 2 आरो 3 डिसेम्बरआव साननैनि हाबाफारिजों मुलुगनां बेंगुरा सान फालिनाय जायो। कसुगावआव थानाय बेंगुरा आफादनि ब्लक मावखुलिनि लांगोनायाव खुंनाय मुलुगनां बेंगुरा सान फालिथायनि दिनेनि नैथि एबा जोबथा सानखालि फुंभिलियाव फिरफिला बिरहोयो आफादनि आफादगिरि जोंसार बसुमतारिआ। बेनि उनाव मुंखलोफोरनो बिबार बाउजेनो जिल्ला समाज अन्साइ विबानगिरि जिन्तु (□ 6 बिलाइआव)

बाक्सानि काताझारआव बुथारनाय जाथाय जाथायसालियाव बुथारनाय जाथायनि दायनिगिरि राना कुमारआ गासै जाथायखौ सिमान जादों

सालबारि, 3 डिसेम्बर: बाक्सा जिल्ला सालबारि महकुमानि गवर्धना थाना बेंखननि काताझारआव बिसिआ आइन बेरेखा मोजां मोन्नाय सेंग्राजों लोगो नानानै फिसाय बाबुलाल हरिजनखौ बुथारनाय जाथायखौ लानानै सोमोनानानै दड। समबारखालि बिजिससालिनिफ्राय बुथारगिरि मोजां मोन्नाय सेंग्रा राना कुमार रामखौ सानथामनि थाखाय गावसिनि बेंखनाय लानानै संदानायखौ गवर्धना पुलिसआ गोख्रै जागायजेनबाय। शनिवारखालि बेंलुरुआव हम्नानै मैया गवर्धना थानासिम लाबोनाय बुथारगिरि बिसि मन्तु हरिजननि मोजां मोन्नाय सेंग्रा (□ 6 बिलाइआव)



मुदैबारि ब्लक इउपिपिएलनि गोदान कमिटिआ समायखिरा लाबाय

कलाइगाव, 3 डिसेम्बर: बिटिसि मुदैबारि बियाबखौ बोखानो थांखि आजावनानै ब्लक इउपिपिएलनि मोन 10 प्राइमरि आफादआ समाइखिरा लादों। मख'नो गोनांदि, दिने उदालगुरि जिल्ला कलाइगावनि मुदैबारि ब्लक इउपिपिएलनि गहाइ मावखुलियाव मुदैबारि ब्लक इउपिपिएल गोदान कमिटि दानायनि समायखिरा



लानाय हाबाफारिखौ खुंनाय जादों। दिने बे कमिटि दानायनि

मुदैबारि ब्लक इउपिपिएलनि गोदान कमिटिआ समायखिरा लाबाय

आफादगिरि राजेन बर', खुंथायारि नेहाथारि देहासार बर', आफादआरि नेहाथारि रुद्र बाहादुर चेत्रि, लेडाइ आफादगिरि एर्पनि बसुमतारिमोनजों लोगोसे माखासे दोलोनि दैदेनगिरिफोरनि नुजाथि फैनायाव भेगाव जिल्लानि खुंथायारि नेहाथारि देहासार बर'आ मुदैबारि ब्लक इउपिपिएलनि (□ 6 बिलाइआव)

सान्जा कक्राझार बिधान सभा बियाबनि भिसिडिसि थाखोनि खेल महारनआ जागायजेनबाय



कक्राझार, 3 डिसेम्बर: रंग'थि फोर्बोखानाय, गेलेगिरिफोरखौ थुलुंगाखां होनाय आरो समाजजों गेलेमुखौ फोनांजानाय एबा सोलेंथाइजों लोदगोसे मेलेमरि आरो देहायारि थासारिखौ फोर्बोखानायनि थांखिजों बे खेबाव खुंनाय खेल महरन 2.0 आ दिने कक्राझारआव जागायजेनो। बे बायदिनो दिने सान्जा कक्राझार बिधान सभा बियाबनि सिडव थानाय मोन 28 भिसिडिसिखौ लानानै कक्राझारआव खेल महरन 2.0खौ जागायजेनो। कक्राझार जिल्ला गेलेमु आफादनि स्टेडियम (□ 6 बिलाइआव)

सुजुगिरिनि खोलोम

मिथिंगा सोमख्रै लाखिनाया बिफां-लाइफां गायनाय

सुबुं समाजाव मोनसे हुदाखौ अराय सम नुनो मोनो, बेनो जाबाय हाग्रा एवस्रानाय आरो बिफां दानस्रानाय आरो गामि फज 'नानै आबाद मावनाय। गामिनि सुबुंफोरनि बाथ्राल' नड टाउन सहरनि सुबुंफाबो खाबु लानानै हाग्रायाव हाबहैना दंफां दानना लाबोनाय आरो गुबुन्नो फानहरनाय हुदाया गोदो गोदायनिफ्रायनो सोलिबोगासिनो दड। दिनैसिमबो सुबुं समाजाव आ बे हुदाखौ नागरनो हायाखै।

सुबुंफोरनि बाथ्राल' नड, जिब-जुनात, दाउसिन दाउला, एमफौ-एनलानि थाखायबो हाग्रा, दंफां-लाइफां गानांथि दं। जिब-जुनातयाबो हाग्रा-बंग्रा, दंफां-लाइफां नडब्ला जैरै थावरिनो हाया, मानसि माहारियाबो जिउ खानो हाया। मिथिंगानि सोर्जिनायनि गेजेराव दंफां-लाइफां, हाजो-हाला, दैमा-दैसा, दैमु बाइदिसिना नडब्ला जिउ जुनातफ्रा दसेनि थाखायब्लाबो थाना थानो हानांगौया गोब्राव। हाग्रा-बंग्रा, दैसा-दैमु गैयाब्ला बुहुमनि आबहावाआबो जिउ-जिराद थाना थानो हायै बाइदि गुबुंले जालानायनि मिजिं दं।

सुबुं समाजाव दंफां-लाइफांनि सायाव जैरै बाइदि सोनारो बेखौ साननो रेंब्ला हाग्रा-बंग्रानि सायाव बे रोखोमनि अनागार उतखारा सोमजिनाय नडमोन। हाग्रामाआव दंफां लाइफांनि अनगायैबो गोबां रोखोमनि जिब-जुनात, दाउसिन दाउला, एमफौ-एनला, मैगं-मैला, थायो। गामिबोखौनो मानसि माहारिनि गोनां जिउ खानायाव नांगौ जायो। सुबुं समाजाव नांगौखौल' मिबथिनो रेंबाय नाथाय, बेफोर गोनां मुवाफोरखौ रेखा खालामनो दासिमहालागै सोलोडखिसै मानो ?

मोनसे सोनाय फैयो, दंफां-लाइफांखौ दानस्रानो सोलोनो रोंगौब्ला, बेफोरखौ गायनो सोलोनो मानो रेंदिया ? गोदो-गोदाय आबै-आबौमोननि बिबै-बिबौफ्रा गायना गालानाय दंफां-लाइफांफोरखौ हागौमानि दानस्रानानै लांदां खालामजोब्याय। हाग्रामा गैयालाय जिब-जुनात, दाउसिन दाउलाफ्रा थानो जायगा मोनैलाय गामि गामि हाबफैना बुथारजाबाय,खायफाया उतखारबो खालामफैबाय। नाथाय कम्पिउटर, इन्टारनेट मुगानि सुबुंफ्रा सानखानो रोडखिसै मानसिनो थानो जैरै न'-बां नांगौ, जुनातफोर थानो थाखायबो हाग्रामा नांगौ। थानाय आरो सोलिफु मुगाआव जा जालांबाय जालांबाय, इयुन जोलैफोरनो दंफां-लाइफांनि गोनांथिनि सोमोन्दै मोजाडै गियान होनो रेंनांगोन आरो बेफोरखौ मात्रै गायनांगौ, फोथानांगौ, फेदेरनांगौ, राहोनांगौ, आरो मात्रै रेखाथि होनांगौ, गोथौथै फोरेंनांगोन, मिथिहोनांगोन।

दिनैनि फान्जामुथि

राशि बाइदियै मुनि गिबि हांखो

मेघ : अल बुध : ऊब (उ ए इ) मिथुन : क छ (ड घ)
 कर्कट : ड ह सिंह : म ट कन्या : प ट (ण ष)
 तुला : त र वृश्चिक : ब न धनु : ध भ (ङ फ)
 मकर : ख ज कुम्भ : ग श (स) मीन : द च (ख ज झ)

- मेघ:** सुथुरफोरा जेनायाव खोखौनो थाखाय सांघ्रा जानो हागौ। जैरेबो सांघ्रा जानानै थानांगोन।
- बृष:** माबा मोनसे मुवा-बेसाद खहा जानो हागौ। गोसोखौ शान्ति मोननाय नडा।
- मिथुन:** माबाफोर केस दडबा जोबस्रानांगोन। गोसोखौ शान्ति मोनगोन। मोजां सान।
- कर्कट:** सोरजोबाफोर सोमोन्दो गावसालायनाय जानो हागौ। जेखियानो जाया गोसोखौ हमथा।
- सिंह:** बेफार फालांगि मावनायाव मुलाम्फा मोनो हागोन। मोजां सान।
- कन्या:** जेखि खामानिखौनो मावा मानो बोलो बाहायनांगोन। गोसोखौ हमथा।
- तुला:** बहाबाफोर दावबाय हैनो मोनो हागौ। गोजोन्नाय मोनगोन। मोजां सान।
- वृश्चिक:** मोजां मोनलायनायनि दौलेंआ गोर जागोन। अनलायनाया बांगोन।
- धनु:** समाइना नख र दालानो हागोन। फारफोमथिबो मोजां। गोजोन मोनगोन।
- मकर:** जेथिबो सांघ्रा जानौ थानांगोन। जेना-जेसिआव गोसोखौ हागौ।
- कुम्भ:** जेखि जाया माबा मोनसे खहा जानो हागौ। गोसोखौ गोजोन गैथै मोनगोन।
- मीन:** माबाफोर खामानि मोननायनि सुजुग-सुबिदा मोनो हागोन। मोजां सान।

सिगारेट थांकु बायदि निसा बेसादफोरनि जिएसटिआव बांसिनगोन

गोदान दिल्ली, 3 डिसेम्बर : जिएसटि हारफोरखौ थि खालामनो थाखाय दानाय मन्थि आफाद (जिअएम) आ थानाय समबारखालि कार्बनेटेड लोंग्रा बेसादफोर, सिगारेट, थांकु आरो बेजो सोमोन्दो थानाय ख'हा गोनां दिहुन्थाइफोरनि सायाव टेक्सनि थाखानाय हार 28 जौखोन्दोखौ बांहोनानै 35 जौखोन्दो खालामनो थांखि लायो। आथिखालाव बेनि सोमोन्दै जोबथा थांखिखौ जिएसटि काउन्सिलआ लागोन। सासे बिबानगिरिया फोरमायनाय बायदिव्ला, बिहारनि लेडाइ गिबि मन्थिनि दैदेन्नाय जिअएमआ अपरेलनि सायावबो टेक्सनि हारफोरखौ थि खालामनो थांखि लायो। जिअएमनि थांखि बायदिव्ला, आथिखालाव 1,500 रॉसिमनि रेडिमेड गारमेन्सनि सायाव 5 जौखोन्दो, 1,500 निफ्राय 10



रोजा रॉसिमनि रेडिमेड गारमेन्सनि सायाव 18 जौखोन्दो आरो 10 रोजानिखुइ बांसिननि गारमेन्सनि सायाव 28 जौखोन्दो जिएसटि नांगोन। मन्थि आफादआ गारसै मोन 148 मुवा-बेसादफोरनि सायाव टेक्सनि हारव सोलायनो थांखि होगोन होन्ना बिबानगिरिया फोरमायदो। मन्थि आफादनि रिपर्टनि सायाव फेगौ 21 दिसेम्बरव जानो गोनां डिएसटि काउन्सिलनि जथुम्मायाव सावरायनाय जागोन आरो टेक्सफोराव सोलायनायखौ लानानै जोबथा थांखिखौ जिएसटि काउन्सिलनो लानांगोन। बिबानगिरिनि बायदिव्ला, थांकु आरो बेजो सोमोन्दो थानाय दिहुन्थाइफोरनि सायाव 35 जौखोन्दो टेक्सनि थाखाय उफ्रा स्लेब बानायनाय जागोन। 5,612.18 आरो 28 जौखोन्दो टेक्सनि स्लेबआ सिगांनि बायदिनो सोलिबाय थागोन। जिएसटि काउन्सिलव दिन्थिनो थाखाय मन्थि आफादआ समबारखालि गावनि रिपर्टखौ जोबथा महर होबाय।

इसर'नि PROBA-3 मिशनखौ लन्च खालामनो आबुं थियारि



गोदान दिल्ली, 3 डिसेम्बर : भारतआ स्पेस साइन्सनि फोथारव आफाद (इसर') आ गोबां माइल खुन्थिया गायसनबाय आरो मोनसेबाव गोदान बिम्बु थिसन्तो थांगसिनो। इसर'आ बुधबाराव बुं दौंदि, PROBA-3 मिशनखौ लन्च खालामगोन। PSLV-C रकेट/ROBA-3 मिशननि थाखाय जौंजौं लाइभआव सजबाबफानो हागोन होन्नाबो बुडो। बे मिशनाव फालांगियायि ब्रान्च निउस्पेस इन्डिया लिमिटेड (एनएसआइसि) आ मदत खालामदो। इसर'आ श्रीहरिकय अखंमा मिरुनिफ्राय 4 डिसेम्बरनि 4:08 रिगायाव

PROBA-3 मिशनखौ लन्च खालामगोन। बेयो इउरपीय अखंमा एर्जेन्सि (इएसए) नि मिशन। PROBA-3 मिशनआ साननि करनाखौ नायबिजिरगोन। इएसएनि बयनिखुइबो सा एबा बायजोसिन आरो बयनिखुइबो गरमसिन थोरफोरखौ नायबिजिरगोन। मख'जाथावदि, इसर'आ बेनि सिगांबो मोनै प्रबा मिशन लन्च खालामखांबाय। गिबियावनो 2001 आव PROBA-1 खौ आरो 2009 आव PROBA-2 खौ लन्च खालामदोमोन। बे मोनैबो

मिशनाव इसर'आ जाफुंसार जादोमोन। PROBA-3 मिशनखौ मोनै मेन स्पेस क्राउजौं लन्च खालामनाय जागोन। गिबिया Occulter आरो बेनि लिथथाइया 200 कि: ग्राम। नैथिया स्पेसक्राउआ Coronagraph जायनि लिथथाइया 300 कि:ग्राम। लन्चनि उनाव गनैबो सेटेलाइटआ गावस्रागोन। उनाव सलार करनाग्राफ बानायनो थाखाय बेफोरखौ जयै पजिशन खालामनाय जागोन। बेयो साननि करनानि डिटेल् स्टाडी खालामगोन। मख'नो गोनांदि, साननि बायजोआरि एटमस्पेसफायरखौ साननि करना बुंनाय जायो। PROBA-3 मिशना इउरपनि माखासे हादतफोरनि मोनसे पारटनासिप प्रजेक्ट। बे हान्जायाव स्पेन, पलेन्ड, बेल्जियाम, इटाली आरो सुइजारलेन्ड दड। PROBA-3 मिशना 2 बोसोरसिम सोलिगोन, जायनि गेजेरजौं गिबि खेब अखंमायाव प्रिसिजन 'फर्मेशन फ्लाइ'खौ टेस्ट खालामनाय जागोन।

मेघालय हाइ कर्टआ खैला खादाननि सायाव पेनेल रिपर्टखौ गोख्रों फालिनो बिथोन होदो

शिल, 3 डिसेम्बर: मेघालय हाइ कर्टआ समबारखालि आइन बेरेखा खैला खादाननि आयदनि बागै राइज्यो सरकारनो गोख्रों सांघ्रांथि होदो। बिजिरगिरि हमारसन सिं थांखियु आरो बिजिरगिरि वानलुरा डेंदहनि बेन्चआ राइज्योआव आइन बेरेखा खादान सोलिनायनि सायाव गोख्रों थांखि लानायजौं लोब्बा थानाय मोनसे पिआइएलआव हियारि होयो। कर्टनि बिथोनआ आजिरा मोननाय बिजिरगिरि बिपि कटकी समितिआ दिन्थिनाय 24 थि आरो 25 थि एन्टेरिम रिपर्टआ सोराडाव फेनायनि उनाव होजायो। मेघालय सरकारनि थान्दै जानानै नुजाथिनाय बुंथिगिरि अमित कुमारआ फोरमायदोदि, इन्भेन्टरि खालामनाय खैलाखौ देखेनायाव गोबाव जानाया



गाहायै बांलादेशआव राजखान्थियारि जाथायफोरनि जाहोनाव जादोमोन। बिथाड कर्टआव फोथायनायबो होदोदि, पिडेडेडनिफ्राय खैला डिपुसिम खैलानि रोगाथायआ आबुं जाबाय। अदेबानि कर्टआ जोबथा अजदफोर, जर'खायै खोला-सोनाब खाशि हाजो जिल्लायाव आइन बेरेखा खादानफोरखौ बन्द खालामनायजौं लोब्बा गोनां अजदफोरखौ गुवारै नायबिजिरनायनि गोनांथिनि

रांखान्थियारि थांखिफोरव माहारियारि रेखाथिनि फिल्टर लागायनायनि गोनांथि दड: मन्थि जयशंकर

गोदान दिल्ली, 3 डिसेम्बर: गुबुन हादतआरि मन्थि एस जयशंकरआ बुंदोदि, इन्भेस्टजौं लोब्बा गोनां थांखिफोरजौं लोगोसे रांखान्थि थांखिफोरनि थाखाय माहारियारि रेखाथिनि फिल्टर लागायनायनि गोनांथि दड। बिथाड बे बिबुंथिखौ चीननि आवग्रिनाय फालांगि हाबाफारिनि फारसे बांबोनाय मुलुगनां जिगानि गेजेराव होदो। सिआइआइ पार्टनारसिप सांघिट 2024 आव बिबुंथि लाखिना बुडोदि, जुदि जौं आवग्रिना लानायनि मुगायाव गैयाब्ला, जौं गोख्रै मुलाम्फा लानायनि मुगायाव दड। बेनिखायनो बानायगिरि माहारियारिरेखाथिनि फिल्टर लागायनांगोन। बे खान्थिया गारसै मुलुगाव दड आरो जौं जुदि बेखौ नोजोर होयाजासे थायो अब्ला जौंनि थाखायनो गिखंथाव जागोन। फालांगियाव सांघ्रांथि



लाखिनाया गोनां, मानोना मुलुगआव फालांगि आरो जगायथाय फारिनि खान्थिया ओरैबायदिदि, खान्थियारि सांघ्रांथिफोर जेब्लाबो थोजासे जाया। ट्राम्प 2.0 नि लोब्बायै मन्थि जयशंकरआ बुडोदि, सिगांआव ट्राम्प खुंथाइजौं गुबुन गुबुन हादतफोरा गावनि मोन्दांथि दड आरो नैथि सरकार सालायनायनि थाखाय बिसोरो बे मोन्दांथिनिफ्रायनो थुलुगा मोनगोन। भारतनि बाथ्रा बुडोब्ला, बेखौ रोखा बुंनो हायोदि, आमेरिकाजौं

बांलादेशआव हिन्दुफोरखौ गाग्लोबनायनि मास्टर माइनआ मुहम्मद युनुश होन्ना शेख हासिनाया बुंदो



गोदान दिल्ली, 3 डिसेम्बर : बांलादेशआव इसेल' सुबुं अन्जिमा गोनां हिन्दुफोरनि हेँथायै हिंसाया सोलिगासिनो। हादतआव खुंथाइ सोलायनायनि उननिफ्रायनो आगुनि गाहाइ मन्थि शेख हासिनाया भारतआव दंफायो। आथिखालाव बिथाड बांलादेशनि अन्तरिम सरकारखौ दैदेन्नाय मुहम्मद युनुशनि सायाव हान्जायारि बुथारनाय आरो इसेल' सुबुं अन्जिमाफोरखौ थांखिनायनि दाय जाबसिन्दो। शेख हासिनाया बुंदोदि, बांलादेशआव जाबाय थानाय बुथारगुंनयनि दायनिगिरिया मुहम्मद युनुसआनो। निउयर्क आव आबानी लीगनि मोनसे

हाबाफारियाव बार्चुएलि बिबुंथि लाखिना मन्दि, गिर्जा आरो धोरोमारि आफाद इस्कननि सायाव लान्थियैनो गाग्लोबनायनि थाखाय युनुसखौ सोंखारियो। बारग' गाहाइ मन्थिया गावनि सायाव हान्जायारि बुथारनायनि दाय जाबसिन्दो होन्नाबो बुंदो। नाथाय बे गाग्लोबनायफोरनि मास्टरमाइनआ मुहम्मद युनुसआनो होन्ना सिगां फारसे हासिनाया बुंदो। फोरिंगिरि, पुलिस दैदेनगिरि बयखौबो थांखिना गाग्लोबदो। हिन्दुफोर, बौद्ध आरो खुप्टनफोरखौ थांखि खालामनाय जादो। गं 11 गिर्जा आरो गोबां मन्दिफोराव गाग्लोबदो आरो इस्कनआव

आगुनि पिएम आरो बिसि बुशरानि हेँथायै ग्रेप्टारनि वारेन्ट फोसावदो

गोदान दिल्ली, 3 डिसेम्बर: पाकिस्ताननि गंसे उतखारि होबथाग्रा बिजिरसालिया थानाय समबारखालि इमरान खान, बिन बिसि बुशरा बिबि, खेबर पखुनखानि गिबि मन्थि आलि अमिन गन्डापुर आरो सा 93 गुबुननि थाखाय बिनि पार्टिनो मदतगिरिफोरनि फारसेनिफ्राय इस्लामाबादाव थानाय सप्ताहयाव धर्नाजौं सोमोन्दो गोनां मोनसे केसाव जािमिन गैथै ग्रेप्टारनि वारेन्ट फोसावो। धर्नानि समाव हिंसा, दाड-बाजि आरो गुबुन दायनिगिरिफोरनि दायफोरनि फिन्नायाव वारेन्ट फोसावो। थानाय 2023 निफ्राय जेलाव जोबथेजानाय पाकिस्ताननि आगुनि पिएम इमरान खानआ 13 आरो 24 नभेम्बरव जानो गोनां हादतनाडे धर्नानि थाखाय जोबथा अक्ट फोसावदोमोन। बेयाव पिटिआइनि बिसायख'थियारि सुबुं बिथोनखौ सोलिहोनो,



जिम्मायाव लानाय पार्टि सोद्रोमाफोरखौ हगारनो आरो 26 थि संबिजिरारि सोदांनाय आयेनखौ सोलायनो दाबि दैखांदोमोन। पार्टिनि बायदिव्ला, इस्लामाबादआव जानाय धर्नाआ दावराव-दावसिनि गेजेरजौं जोबनै थाडो, जेराव सा 12 पिटिआइ मदतगिरिफोर थैयो आरो गोबां सुबुंफोरखौ ग्रेप्टार खालामो। इस्लामाबाद पुलिसआ इस्लामाबादआव थानाय उतखारि होबथाग्रा बिजिरसालि (एटिसि) आव सा 96 सन्देह खालामजाथावफोरनि मोनसे फालिराइ गथायो, जेराव खान, बिबि, गन्डापुर, आगुनि हादतगिरि आरिफ अल्वी, आगुनि नेशनेल एसेमब्लि स्पीकार असद केसर, पिटिआइ आफादगिरि गौहर खान, नेशनेल एसेब्लियाव बेरेखा दोलोनि दैदेनगिरि उमर अयुब खान आरो माकासे गुबुनफोरनि मुडा दंफायो। सा 96 सन्देह खालामथावफोरनि फारिलाइ गथायनायनि उनाव इस्लामाबाद पुलिसआ एटिसिनाव बिसोरो ग्रेप्टारनि वारेन्ट फोसावनो आर'ज गाबो। एटिसि बिजिरगिरि ताहिर अब्बास सिप्राआबो पुलिसनि आर'ज गाबनायखौ गनायना लानानै बिसोरनि थाखाय वारेन्ट फोसावो।

बांलादेशनि हिन्दुफोरनो इस्कन कलकाटाआ बोसोन होदों

कलकाटा, 3 डिसेम्बर: बांलादेशआव हिन्दुफोरनो आरु इस्कन फुजारिफोरनो बेरेखा हिंसाआ बांनोनयखौ नोजोर होनाहै इस्कन कलकाटाआ हिन्दुफोरनो आरु फुजारिफोरनो मोनसे बोसोन होदों। हिन्दुफोरनो गार्लोबनायनि गेजेराव इस्कन कलकाटाआ न'सुंसे हदरनि हेफाजाबगिरिफोरनो आरु आंगोफोरनो बोसोन होनाहै बुंदोंदि, बिसोरो तिलक एबा चन्दन फोथाखौ खोमोरना तुलसिनि माला गान्नायखौबो लाखोमानांगोन, गावनि खर'आव खाखुमनांगोन आरु साधु गावनि खसाब गान्नायखौ नागारनांगोन। बे बोसोनखौ इस्कन कलकाटा नि लेडाइ आपादगिरि राधारमण दासआ होदों। बिथाडा बुंवाबोदि, गासैबो भिक्षुफोरनो आरु सोद्रोमाफोरनो बोसोन होयोदि,



खैफोदिनि बे समाव बिसोरो गावखौ रैखा खालामनो आरु दावहानिफ्राय बारग'नो थाखाय जोबोद सांग्राडै थानांगोन। बिसोरो साधु गावनि सि-जोम गान्नाय आरु सिन्दुर फुन्नायनिफ्राय जानगाराव थानांगोन। बिसोरो बे खसाबखौ गान्नांगोननि गोनांथि जायोब्ला

बेखौ सिखव गान्नाहै सायाव गुबुन खसाबखौ गान्ना होथेनांगोन। हागौमानि बिसोरो गावसिनि खर'खौ खोबनानै लाखिनांगोन। बिसोरो भिक्षु महाराव सुबुंफोरनि नोजोराव फैनायनिफ्राय बारग'नांगोन। मख'जाथावदि, बांलादेशआव चिन्मय दास प्रभुजों लोगोसे

गोबां फुजारिफोरनो हमदों। राधारमणआ बेखौबो दाबि खालामदोंदि, चिन्मय दासनि उकिल रमण रायखौ एरेबादि बुग्लिदोंदि, बियो आइसिडउआव जिउजों जुजिनांगोसिनो दड। उकिलखौ गार्लोबनाया चिन्मय कृष्ण प्रभुजों बनि आइनारिखैथिनि

मणिपुरनि पुलिसआ सा 29 बांलादेशनि नोगोरारिफोरखौ ग्रेप्टार खालामदों

गाजि बिजाउन। बेयो बांलादेशआव धोरोमारि इसेल' सुबुं अन्जिमाफोरनि बिबानगिरिफोरनो रैखा खालामग्राफोरनि सायाव बांनोनय खैफोदखौ दिन्थियो। बेराफसै बे केसआव बिजेपि दैदेनगिरि दिलिप घषनि बिबुंथिआबो सोराडव फैदों। बिथाडा बुंदों, बांलादेशनि आयदायाव टिएमसिआ मा खालामदों। इजराइलआ गाजायाव बम होयोब्ला बिसोरो जिगा सियो आरु जेब्ला न'सुंसे हदर बांलादेशआव अनागार जागासिनो अब्ला बिसोरो सिरिथे थादों। बे आयदाखौ सोर रजखान्थि खालामदों? बिसोरहा साहस दडब्ला बिसोरनि बेरेखा गसनांगोन। बिसोरो बेखौ मिरुनि सायाव मानो हगारदों? □

इम्फाल, 3 डिसेम्बर: मणिपुरनि गिबि मन्थि एन बिरेन सिंहा समबारखालि फोसावदोंमोनिदि, आयेनारि फोरमानलाइ गैयालासै राइज्योआव हाबफैग्रा सा 29 बांलादेशनि नोगोरारिफोरखौ इम्फाल सोनाब जिल्लानि मयां इम्फाल ओन्सोलफोरनिफ्राय ग्रेप्टार खालामदों। बेनि उनाव, मणिपुर सरकारनि रिभेनु, बिफाननि सासे मावसुमाखौ बिसोरनि गुबुन हादतनि नोगोरारिफोरखौनो नंखाय इनार लाइन पामिट (आइएलपि) आरु गुबुन फोरमानलाइ बानायनानै होनायनि थाखाय ग्रेप्टार खालामनाय जादोंमोन। मयां इम्फाल ओन्सोलाव थाग्रा सन्देह' खालामथाव गुबुन



हादतनि नोगोरारिफोरनि सोमोन्दे मोनसे संगालि खौरं मोन्नायाव नायबिजिरनायनि गेजेरजों मणिपुरनि पुलिसआ बेवहाय थाफानाय गासै सुबुंफोरखौ ग्रेप्टार खालामनायाव जाकुंसारनो हायो। अपारेशनाव मास्टरमाइन्ट हिंसाबै सिनायथि जानाय बिबानगिरिया फोरमानलाइ बानायनानै होनाहै बांलादेशनि नोगोरारिफोरनो आयेन बेरेखायै हाबफेनो सुबिधा होदों। गिबि मन्थि

सिंहनि बुंनाय बायदिब्ला मणिपुराव हाबफेनो थाखाय गुबुन हादतनि सुबुंफोरनाव भारतीय भिजाजों लोगोसे फोरमान गोनां पासपटं आरु इनार लाइन पारमित थानाया गोनांथिथार। थासारिखौ गोथोथे नायबिजिरनो थाखाय मोनसे एसआइटी हान्जाखौ दानाय जादों आरु बेवहाय थाफानाय गासै सुबुंफोरनि बेरेखायै गोखोडै नायबिजिरनाय जागोन। □

तामिलनाडुआव न'नि सायाव अन्थाय गोग्लैनायजों सा 5 गथ 'फोरजों' लोगोसे सा 7 सुबुंफोरनि जिउ गोमादों

गोदान दिल्ली, 3 डिसेम्बर: चक्रबात बारहुंखा फेंगलआ तामिलनाडुआव सिलिंखार सोमजिदों, बेयाव लान्थियै अखा हागासिनो दड। लान्थियै अखा हानायनि जाहोनाव तामिलनाडुनि तिरुबन्नामलाइआव हा गिसिखानाय जाथाय जायो। बेनि जाहोनाव गंसे न'नि सायाव अन्थाय गोग्लैसिनो। अन्थाय गोग्लैनायजों सा 5 गथ 'फोरजों' लोगोसे सा 7 सुबुंफोरनि जिउ गोमायो। बिसोरनि गेजेराव साब्रैनि गोथै सहफोरखौ बोखानानै देहा फाहामसालियाव दैथाय हरबाय। आधिखालाव जाथाय जानाय जायगायाव रेस्कुव अपारेसन सोलियासिनो दड। अदेबानि एनडिआरएफ आरु सान्थि



हान्जाआबो रेस्कुव अपारेसनआव नांथाबनानै दड। बेराफसै लेडाइ गिबि मन्थि उदयनिथि स्तलिनआबो हा गिसिकानाय जिउ गोमानाय सुबुंफोरनि पारसै दुखु मोन्नाय फोरमायो। बिथाडा दुखुजों भुगिनांनय नख'रफोरनो 5 लाख रनि अन्सुंथाय फोसावो। सुलुडव फोरमायनाय बादिब्ला, तामिलनाडुनि गिबि मन्थि एमके

स्तलिनआबो बे राइज्योआव दावबायनानै बुडोदि, चक्रबात फेंगलआ राइज्योआव गोबां सिलिंखार खालामबाय। बेजों लोगोसे गहाइ मन्थि मदिनाय एनडिआरएफनिफ्राय थाबेनो 2,000 कौटि रनि इन्टेरिम रेहाय फोसावो खालावो। बिथाडा बे रंखाथिजों खुथाया खहा जानाय गुदि बिथाफोरखौ फाहामफिनायाव

मदद मोनगोन। चक्रबात फेंगलखौ लानानै खहा जानो हाथाव जायगाफोरव हाइ एलाटं फोसावो। भारत बोथोर बिगियान बिफानआ थांनाय समबारखालि चक्रबात फेंगलनि जाहोनाव केलेलायाव गोबां अखानि सांग्रांथि फोसावो, जाय आधिखालाव सा तामिलनाडुनि सायाव खम नारसिन्थाय ओन्सोलआ लोरखों जायो आरु खोला इन्टेरिम कर्नाटकसिम गोसारो। बोथोर बिगियानगिरिफोरनि मिजिंथिनाय बादिब्ला, बे नेमखान्थिया बांलांगोन, जाय सन्देह खालामथाव महरै 3 डिसेम्बरनि खाथि-खालायाव केलेला आरु कर्नाटकनि सा बोरिफोरनि खाथियाव थानाय खोला-सान्जा आरु सान्जा-गेजेर आरु लैथोयाव सोमजिगोन। □

मेघालय हाइ कर्टआ खैला खादाननि सायाव पेनेल रिपर्टखौ गोखौ फालिनो बिथोन होदों

शिल, 3 डिसेम्बर: मेघालय हाइ कर्टआ समबारखालि आइन बेरेखा खैला खादाननि आयदानि भागै राइज्यो सरकारनो गोखों सांग्रांथि होदों। बिजिरगिरि हमरसन सिं थांखियु आरु बिजिरगिरि बानलुगु डेंदहनि बेन्चआ राइज्योआव आइन बेरेखा खादान सोलिनानयनि सायाव गोखों थांथि लानायजों लोब्ला थांनाय मोनसे पिआइएलआव हियारि होयो। कर्टनि बिथोनआ आजिरा मोन्नाय बिजिरगिरि बिपि कटकी समितिआ दिन्थिनाय 24 थि आरु 25 थि एन्टेरिम रिपर्टआ सोराडाव फैनायनि उनाव



होजायो। मेघालय सरकारनि थान्दे जानानै नुजाथिनाय बुंथिगिरि अमित कुमारआ फोरमायदोंदि, इन्भेन्ट्रि खालामनाय खैलाखौ दैखानायाव गोबाव जानाया गाहायै बांलादेशआव राजखान्थियारि जाथायफोरनि

खालामनायजों लोब्ला गोनां अजदफोरखौ गुवारै नायबिजिरनायनि गोनांथिनि सायाव गोनांथि होदों। कटकी समितिआ गावनि 26 थि अन्तरिम रिपर्टखौबो दिन्थियो, जेयव बै ओन्सोलफोरव नोजोर होनाय जादों, जेयव राइज्यो सरकारआ दासिमबो कर्टनि बिथोनफोरखौ फालिनानयनि गोनांथि दड। बुंथिगिरिआ 10 डिसेम्बरसिमआव एन्टेरिम रिपर्ट दिन्थिनो बिथोन होनाय जादोंमोन। जायजों कर्टआ गोजां बोथोरनि बन्द जानायनि सिगांनो बिथोन फोसावनायनि गनायथि मोन्नो हायो। □

जाहोनाव जादोंमोन। बिथाडा कर्टआव फोथायनायबो होदोंदि, पिडहेडनिफ्राय खैला डिपुसिम खैलानि रोगाथायआ आबु जाबाय। अदेबानि कर्टआ जोबथा अजदफोर, जर'खायै खोला-सोनाब खाशि हाजो जिल्लायव आइन बेरेखा खादानफोरखौ बन्द

श्रीनगरनि हारवन ओन्सोलाव उतखारिफोरजों लोगोसे गावलायनाय जाथाइ

जम्मु, 3 डिसेम्बर: राजथावनि श्रीनगरखों लोगोसे नांजाबनाय हारवननि गोजौ हाग्रा ओन्सोलाव थांनाय समबार हराव बै समाव गुलि गावनायनि सोदोब खोनानै मोनो जेब्ला रैखाथि हान्जाफोरनि बेखन्ना लानायखौ सिफायनानै खारनो थाखाय उतखारिफोर गुलि गावयो। रैखाथि हान्जाफोरनो गावसोरखौ रैखा खालामनानै फायर खालामफिनो आरु फारनेथिंजायनिफ्राय गुलि गावलायनाया जागायो। रैखाथि हान्जाफोर सासे उतखारिखौ गावथारदों होना खौरं मोन्नाय जादों। आधिखालाव थैनाय उतखारिनि सिनायथिखौ नागिरासिनो दड। बनि गुबुन लोगोफोरनि हँथायै रैखाथि हान्जानि हाबाफारिया सोलियासिनो दड आरु बेखनजानायाव सानै-साथाम उतखारिफोर



थाबथाना दड होना खौरं मोन्नाय जादों। खौरंनि बायदिब्ला, रैखाथि हान्जाफोर दिने हारवननि गोजौ बाहागोयाव उतखारिफोर थाखोमानानै थानायनि खौरं मोन्नाहै मोनसे नागिरनाय हाबाफारि सालायो, जाय ओन्सोलाव बे गावलायनाया जादों बेयो दासिमाव नेशनेल पार्कनिनो मोनसे बाहागो आरु जव्रवाननि हाजोफोरनि गेजेराव दड। बे ओन्सोलखौ उतखारिफोर बांडीपर-कंगन-गान्दरबलनिफ्राय खोला काश्मीर थांनो थाखाय आरु खोला काश्मीरनिफ्राय गान्दरबलनि लामा बांडीपर पारसे थांनो थाखाय बाहायो। बे ओन्सोला दाचीगामखौ त्रालजों सरजाबो। सुलुनि बायदिब्ला, बेखन्नायाव थाबथाना थानाय उतखारिफोरनि थि अन्जिमाखौ मिबिथिनो मोनाखै। □

अरुणाचलनि मावसुमाया बान्दो बानायनायनि सायाव सरकारखौ सौंखारिदों

इटानगर, 3 डिसेम्बर: सुबुंमोन्थाइ आरु बान्दो होबथाग्रा मावसुमा इब मिलिआ बिजेपिखौ दैदेनग्रा अरुणाचल प्रदेश सरकारनि सायाव बान्दो डेभेलपार्सनि थाखाय खुगा लाइसिल' जानायनि दाय जाबसिदों। अरुणाचल प्रेस क्लबआ मोनसे खौरंगिरिफोरनि जथुम्माखौ सोमोन्दे लाखिनानै मिल्लिआ हँथा होसेयावबो बान्दो बानायनो थाखाय राइज्यो सरकारनि नाजानायनि सायाव गोथोथे जिगा सिनाय फोरमायदों। बिथाडा बे बिथांखिफोरजों सोमजिनाय गोब्राव थासारि आरु समाजयारि-रंखांथियारि अलखदफोरनि सायाव नोजोर होयो, जर'खायै ओन्सोलनि फोलेरफोरनि थाखाय थांनाय शुक्रबारखालि गिबि मन्थि खान्दुआ 10,000 मेगावाटनि बान्दो बानायनो थाखाय सियां आरु गोजौ सियां जिल्लाफोरनि एमएलएफोरजों गारांसेयै मदत खालामनो फोसावो। आधिखालाव सियां हादतयारि आबादारि जौसानि दैदेननायाव जायगानि फोलेरफोर 1080 जौथाइनिफ्रायनो बान्दोनि हँथायै सोमावसारनायाव बयनिखुडै सिगाडै आवगायबोदों, जायफोरान' गैजायै आरु दै लोमसावजानो गिदों। बे बिथिडव मिलिआ सरकारनि गुदि बिथाफोरनि सौंथि दिखानो बुडोदि, जौनि हा आरु दैमाफोरखौ फानगासिनो दड, नाथाय अब्लाबो जों मोजां रंखांथि मोनाखै। बे मा बायदि जौगाखानाय ? बे जौगाखानाया बाइजोयारि सुबुंफोरनि थाखायसो, अरुणाचल सुबुंफोरनि थाखाय नड होना बिथां मिलिआ बुंदों। □

No.DDB/SPEAKER/03/2024-25/1540 Date 29/11/2024

SHORT NOTICE INVITING TENDER

Sealed tender affixing a non-refundable Court fee stamp of Rs. 8.25 (Rupees eight & twenty five) only with a validity period of 180 Days, which will subsequently be converted and drawn up in the printed of F-2 form are invited from the registered Contractors of Class-II and Class-I (A, B & C) category of Assam PWD (Roads & Building) and BTC, according to their eligibility for submitting tenders for the works under SOPD-G (Speaker's Discretionary Fund) under TA(P), for the year 2024-25 as stated below. The tenders will be received by the undersigned up to 12.00 Noon, on 26/12/2024 and will be opened on the same date & place at 3.00 P.M.

Sl. No.	Name of works	Tender Amount (Approx) In Lakhs	Cost of Tender Paper	Time of Completion of Work
1	Improvement of road at Santipur Bagaribri with S/G Lt. Budha Baro house to Morton Basumatary house under Angardhowa VCDC	5.00 Lakhs	Rs.500/-	6 (Six) Months from the date of issue of F.W.O.
2	Improvement of road from Baganpara PWD road (Sunanta Das house) to Bharat Rajbongshi house via Bhairab Das and Jogen Rajbongshi house at Dakhin Nichalamari under Ghoramara VCDC	5.00 Lakhs	Rs.500/-	do
3	Improvement of Road from Bar Adla Bathou Thansali to Bijoy Ramchiary house under Adla VCDC	5.00 Lakhs	Rs.500/-	do
4	Improvement of Road from Ratan Das house to Niz Barsiral connected road at Dakhin Kalleipar under Ghoramara VCDC	5.00 Lakhs	Rs.500/-	do

Detail N.I.T. may be seen in all working days during office hours in the office of the undersigned. Tender papers will be issued to the contractors or their authorized agents from 04/12/2024 to 26/12/2024 in the office of the undersigned on payment in the form of Demand Draft/Banker's Cheque from any Nationalized Bank, duly pledged in favour of the Principal Secretary, BTC Kokrajhar, payable at Kokrajhar.

Sd/-
Block Development Officer,
Dhamdhama Dev. Block, Baganpara

IPR(BTC)-2023-24/993

NOTICE INVITING TENDER

Sealed tender affixing a nonrefundable court fee stamp of Rs.8.25 (Rupees eight & paise twenty five) only with a validity period of 90 days, which will subsequently be converted and drawn up in the printed F-2 form are invited from the registered contractors of Class-I (ABC) and Class-II category of Assam PWD (Roads & Building) and BTC according to their eligibility for submitting tenders for the works 15TH FC(Tied Grant), for the year 2023-24 during 2024-25 under as stated below. The tender will be received by the undersigned up to 2:00 PM on 20/12/2024 and will be opened on the same date & place at 2:30 P.M.

Sl No.	Name of Works	Tender Amount (Rs)	Cost of Tender Papers	Time of completion
01	Const. of Community Toilet at Tintila Bazar under 15 th FC (Tied Grant) for the year 2023-24 during 2024-25.	10,47,960.00	Rs. 315.00	03Month
02	Const. of Community Toilet at Silgara Bazar under 15 th FC (Tied Grant) for the year 2023-24 during 2024-25.	10,47,960.00	Rs. 315.00	03Month
03	Const. of Community Toilet at Gaurang Nagar Bazar under 15 th FC (Tied Grant) for the year 2023-24 during 2024-25.	10,47,960.00	Rs. 315.00	03Month

Details NIT may be seen in all working days during office hours in the office of the undersigned. Tender papers will be issued to the contractors of their authorized representatives from 17/12/2024 and 18/12/2024 in the office of the undersigned on payment cost of tender paper in the form of demand draft /Bankers cheque from any nationalized bank duly pledged in favour of the principal secretary, BTC, Kokrajhar payable at Kokrajhar. The contractor should submit attested copy of latest registration certificate, latest clearance certificate of Pan Card, GST along with the tender paper. In case the office remains closed on tender issuing/receiving date, the same will be issue/receive/opened on the next working day without further notification. The EMD (01% for SC/ST/OBC and 02% for General) should be deposited in the form of FDR/ bankers cheque/TDA/Demand Draft from any Nationalized Bank duly pledge to the Block Dev. Officer, Chapar-Salkocha Dev. Block, Chapar as mentioned above at the time of allotment of work. The office of the under signed reverse the right of accepting of tender papers or outright rejection of the same without assigning any reason thereof.

A pre-bid meeting is schedule on 10/12/2024 at 11.00 AM. Address for the meeting is Office of the Block Dev. Officer, Chaparsalkocha Dev. Block.

The TIA reserves the right to accept or reject any bid/Tender and to cancel/ annul the bidding process and reject all bids at any time prior to contract award.

Sd/-
Block Dev. Officer
Chapar-Salkocha Dev. Block
Date- 27/11/2024

Memo No:- CSDSB-282/15th FC-T/BTR/2024-25/ 559

No.KDB-414/2023-2024/10645 Dated Gurufela the 03/12/2024

NOTICE INVITING TENDER

Sealed tender affixing a non-refundable court fee stamp of Rs.8.25 (Rupees Eight and twenty five rupees) only with a validity period of 180 days, which will subsequently be covered and drawn up in the printed of F-2 form are invited from the registered contractor Class-I (A, B, C) & Class-II Categories Assam P&RD and BTC, according to their eligibility for submitting tenders for the works under 15th FC fund for the year 2024-25 as stated below. The tender will be received by the undersigned upto 2.00 PM of 23/12/2024 and will be opened on the next day at 3.P.M.

Sl. No.	Name of Work	Location	A.A. Amount (Rs. In lakh)	Cost of bid document	Amount of bid security	Time of completion
1	Const. of Community Toilet at Mojati CNI Church	Mojati	Rs. 10,47,960.00.00 L	0.03%	SC/ST= 1% OTH = 2%	3 months

Details N.I.T may be seen in all working days during office hours in the office of the undersigned tender will be issued to the contractors of their authorized agent from 03/12/2024 to 23/12/2024 in the office of the undersigned on payment in the form of demand draft/banker's cheque from any Nationalized bank, duly pledged in favour of the BDO, Kachugaon Dev. Block, Gurufela.

Sd/-
Block Development Officer,
Kachugaon Dev. Block, Gurufela

IPR(BTC)-2023-24/995

गुबुनखौ सियायनाय नुयोब्ला जौबो सियायफानायनि जाहोना मा ?

नोजोर होथावदि, जौनि खाथियाव सोरबा सियायफैयोब्ला इसे उनाव जौबो बिब्दिनो सियायफायो। नाथाय मानो बिब्दि जायो ? गुबुनखौ नुयोब्ला मानो बिब्दि जाफायो। बिब्दिनो गोबां फिसा-फिसा जाथायफोर जायो, जायखौ जौनि गोबाडनो नोजोर होया। गोबां समावनो जौ गावखौनो मा खालामदौं बेफोरखौ मिथिस्ताबा। जौनि गोबाडनो उन्दुनो ओंखारोब्ला आरो मेग्लिनय मोनोब्ला बिब्दि सियायनो ओंखारो होनानै सान्ना लायो। नाथाय जाहोना बे नड, बिब्दि जानायनि गुबुन जाहोन दड। प्रिन्सटन इडनिभासिदिनि रिपट बादिब्ला, सियायनायनि सोमोन्दोआ जौनि मेलेमजौं थौंजौं दड। खामानि मावनाय समाव जेब्ला मेलेमआ गरम एवा मुखुब जायो अब्ला मेलेमखौ



सुरलायहोने थाखाय सियायनो ओंखारो। बिब्दिजौं देहा सोलेरनि बिदुड दिदोमै थायो।

बांसिन सियायनो ओंखारो। 2004 आव मिडनिखनि साइकियाट्रिक इडनिभासिदि हस्पितालआव मोनसे नायबिजिरनाय जादौं, जेराव मिथिहोदौंदि, सियायनायाबो इन्फेक्सन गोसारहोयो। गासै सा 300 सुबुंफोरनि सायाव खालामनाय रिसार्चआव 50 जौखोन्दो सुबुंफोरा गुबुनखौ नुनानै गावबो सियायदौंमोन। बिगियानगिरिफोरनि गनायथिनाय बादिब्ला, जेब्ला सोरखौबो सियायनाय नुयो अब्ला बिनि मिरर न्युरन सिस्टेमा एक्टिभ जायो आरो बियो बेखौ नखल खालामो। बेगफासै मोनसे स्टडीआव बुंदौं, जाय सुबुंफोरनि मेलेमआ बांसिन खामानि मावो बिसोरो गोलाव सियायो। अदेबानि बेनि सोमोन्दोआ मेनायजौं खम मेलेमखौ सुरलायहोनाय आरो बिदुंखौ सामलायनायजौं बांसिन दड।

गोजां बोथोरव अक्सिजेननि गोनांथिआ बांसिन जायो, बेनि जाहोनाव गोजां बोथोरव

इटालीयान लीगआव मुंदांखा गेलेगिरिआ जेनायाव गोग्लैदौं

रम, 3 डिसेम्बर: इटालीयान लीग सिरि-एनि गोखौं बादायलायनाय मेचआव फियरेन्टिनानि मिडफिल्डार एड'आर्ड बभआ इन्टरमिलननि हेंथायै गेलेनाय मेचनि समाव फोथारआव बेहुस जानानै गोग्लैयो। जायनि उनाव बिथांखौ गोखैयैनो साखाथिनि देहा फाहामसालिआव थिसन्याय जायो। जेराव बिथांखौ थाबेनो आइसिडउआव थिसन्याय जादौं। 22 बोसोर बैसोनि बभआ फोथारआव गोलैनाय समाव मोननैबो हान्जानि गेलेगिरिफोरा बिथांखौ बेंखनफैदौं आरो गोखै फाहामथायनि थाखाय देहा फाहामसालिसिम दैथायहरदौं। फोथारआव गोबाव खालामालासे बिथांखौ स्ट्रेसरआव देखाना फोथारनिफ्राय लानाय जायो आरो एम्बुलेन्सनि गेजेरजौं देहा फाहामसालिआव दैथायहरो। बादायनाय मेचनि 16 मिनिट समाव जानाय बे मेचनि



उनावनो बादायनायखौ दोन्थ'नाय जायो। सुलुंनि बादिब्ला, बिखा आरो समपल'नि हाबा मावनायनि सायाव बिथांनि देहाखौ गिबियै नायबिजिरनाय हाबाया जाबाय। जेराव बिथांनि सायाव आरोबाव टेस्ट नायनाय जाबावगोन। खौरनि बादिब्ला, बभआ देहा फाहामसालिसिम लानाय समाव एम्बुलेन्स सायावनो हुसआव फैंफिन्दौं। देहा फाहामसालिआव बिथांजौं लोगोसे बिमा-बिफा,

लोगो, हान्जानि कच रफेएल फालादिन'आरो हान्जानि गुबुन फु टबलारफोराबो देहा फाहामसालिसिम सौहैदौं। फियरेन्टिनानि आफादगिरि रक कमीस'आ बिथांनि मोजां जाजासिम नख'रजौं गसंफानो खोथा होदौं। मेचनि 16 मिनिटआव भिडिआ एसिस्टेन्ट रेफारिनि मदद होनाय समाव बिथाडा जुथानि लेचखौ खानो गंनाय समावनो बेहुस जानानै गोग्लैदौं। बे समसिमआव

जेराव मोननैबो हान्जया गल सोलायनो हायाखै मोन। मख'नाय जायोदि, 2018 आव फियरेन्टिनानि बारग' क्पेन डेभिड आस्त्रीखौ युडीनि हेंथायै गेलेनांगौ मेचनि सिगां हटेलनि रुमआव जिउ गैयै थासारिआव बोखांनो मोन्दौमोन। जेराव थानाय एप्रिल दानआव रमानि डिफेन्डर इभान एन्डिकाआबो युडीनीजनि हेंथायै गेलेनाय मेचनि समाव बेहुस जानानै गोग्लैदौंमोन।

अल आसाम आइडि इलाइट बक्सिं सेम्पियनसिपआव साइ आरो एसएसएआ जौसिन मान मोन्दौं

गुवाहाटी, 3 डिसेम्बर: अल आसाम आइडि इलाइट बक्सिं सेम्पियनसिपआव स्पर्ट्स अथ'रिदि अफ इन्डिया (साइ) आरो स्टेट स्पर्ट्स एकाडेमि (एसएसए) आ फारियै आइजो आरो हौवाफोरनि केटेगिआव सेम्पियन जानो हादौं। जेराव बे इभेन्टआ गुवाहाटी सहरनि साइ स्पर्ट्स कम्प्लेक्सआव जाफुंसारै जोबलांबाय। साइआ आइजोफोरनि केटेगिआव गोहोम गोनाडे दिन्थिफुंदौं। जेराव गंभ्रै सना, गंभ्रै रुफा आरो गंभ्रै ब्रन्जजौं गासै गं 7 मेडेलआव जौसिन थाखोआव थानो हादौं। एनएफ रेलवेआ मोनब्रै बान्थाफोरजौं बे फारिआव रनार्सआप मासिआव थानो हादौं। बे समाव एसएसएआ हौवाफोरनि केटेगिआव गंभ्रै सना आरो गंभ्रै रुफाजौं गासै गंभ्रै मेडेलजौं गिबियाव आरो आसाम पुलिसआ गंभ्रै सना आरो गंभ्रै रुफाजौं गासै गंभ्रै रुफानि अनगायै गंभ्रै नैथि मासिआव थादौं। बे सेम्पियनसिपआव हौवाफोरनि केटेगिआव मोन 9 आरो हिन्जावफोरनि केटेगिआव मोन 8 सेक्सन दडमोन। गासै जोबथा बादायलायनायाव सेम्पियन जानाय हान्जानि सावगारिआ सोराडाव फेदौं।



आसाम एमाच्युर बक्सिं एस'सिएसननि नेहाथारि हेमन्त कलिताआ जोबनाय सानखालि फेगौ जानुवारि दानआव जानो गोनां सिनियर इलाइट नेसनेल बक्सिं सेम्पियनसिपआव मोननैबो के टेगिआव सनानि मे डेल देरहागिरिफोरनि आसामनि जानानै गेलेगोनखौ रोखा खालामदौं। बे सेम्पियनसिपनि जोबनाय फोर्बोआव अलिम्पिक मेडेलिस्ट लाभलिना बरगहाइआ गाहाइ आलासि महरै नुजाफेदौं। जेराव बिथांजौं लोगोसे आसाम

अलिम्पिक एस'सिएसननि रां दोन्थुमगिरि अशक भराली, फुड एन्ड सिभिल साप्लाइ कपरिसन आरो बारग' बक्सर ध्रुवज्यति मारालनि अनगायै हेमन्त कलिता आरो गेलेमुजौं सोमोन्दो थानाय बान्जायगिरिफोरा इभेन्टआव नुजाफेदौं। बे समाव लाभलिनाआ जाखांफु नाय राइज्योनि बक्सरफोरखौ आवगायनायनि लामा सुखानायनि थाखाय आसाम एमाच्युर बक्सिं एस'सिएसनखौ बाखायदौं आरो गोबां अलिम्पिक मेडेल देरहागिरिनि जोनोम

जागोनखौ मिजिथिदौं। सनानि मेडेल देरहागिरिनि फारिआव 45-48 कि:ग्रा: लिरथायारि केटेगिनि आइजो बाहागोआव कम्पी बर', स्वर'स्वति बर', आरति दले, सुमित्रा ब्रह्म, मन्जु बसुमतारि, अंकुशिता बर', फैलाव बसुमतारि, भायबति कसारिआ देरहानो हादौं। गुबुन फासै हौवाफोरनि केटेगिआव गोरभ मजुन्दार, भिभेक मजुन्दार, बुलेन बरगहाइ, रान्तु मरान, अभिनभ शइकिया, भिजय डेका, मानव तालुकदार, तमस्य गवाला आरो कस्तदा रेगनआ देरहादौं।

रंजालि गथ'फोरनि औरा फोथायथि नेरसोन

समायना बुहुमनि महर मुग्नि, हाजो-हाला, बिफां-लाइफां, जिबिनि नेरसोन। आरो नुस हायै लैथो-लैथोमा, बिनो जादौं मुलुगनि नेरसोन। सानश्रहायै जिउ-जिबि उजिदौं, दानायनि बिदै आरो बेगें हारानि नेरसोन। लंथायखुलि आरो अन्थायनि मुगा, महरै दानाय जारिमिन माइथायनि नेरसोन। अजन्त (लंरा) हाजो खंखरनि, अन्थाय गोरोबथाव मुसुखा नेरसोन। सानश्रहायै सुबुनि बुहुमाव आगान गोग्लैदौं सुबुं सोदोमग्नि रोगैथिनि नेरसोन। दावबायनाय दिडनि जिउनि दावहा, थालाडो बुहुमनि सायाव नेरसोन। राजखान्थिनि आरो समाजखान्थिनि दोहोराम खान्थिनि नेरसोन। बोहैनाय सम बोहैनाय दावहायाव जायो ? बुहुम बिखायाव उजिनाय नेरसोन। बुहुमाव नुनाय जयै थानाय बुहुम बिखानि नेरसोन।

गुवाबागव फोथायथि दं ? सोलौंसा लोगोफोर, जायहा गावबागव फोथायथि थानाय जाफुडे इयुनि थान्खि। हाबा मावनायनि सिगां सांरां फिथायनि थाखाय गावनि फोथायथि, मोनजानायनि सिगां नाजानायनि देरहानायनि सिगां फोथायथि। जिउआव देरहानानै उश्रिसारनो हायो जुदि नौं फोथायथि थायो, नाथाय देरहानायनि सिगां जेनायनि सिगां जुदि फोथायथि गैखायाब्ला। आरोबाव, देरहायाबालानो जेनायनि फोथायथि थाखानायनि...। देरहायो गावबा-गावनि थान्खि फोथायथि।

श्री उत्तम कुंगुर नाजारी
गामि: बेलगुरि
ला:सो: आप्लागाव।

श्री नेरसोन बसुमतारी
गामि: 12 नं मालिगाव धुमका
ला:सो: बिसमुनि
जिल्ला: कक्राझार बिटिसि(आसाम)

हागोन दा आं ? बैथा गैयै जिउ दिड

महात्मा, चीलाराय, देतसुं, आरो कनकलता- आरोबाव जोबनो गैयै मुंखुंफोर, गोमालांबाय नौंसोरो नाथाय दाबोनो रोखा नौंसोरनि महर आरो मुं; आंबो जानो लुबैयो मुंखुं। खालाम लानो लुबैयो आं; जिउआव माबा मोनसे..... नेरसोन गालानो हानायनि; मोनसे मुंदांखा खामफा लुनानै, आनि मुं, आरो आनि गोसो- आरोबाव रेबगनजौं लिरलानाय, माखासे सनानि हाखोजौं रोखायै। मोजां मोननायनि जारिमिनखौबो हागोनदा आं गालानो ? डान्टे-बियेट्रिछ, लयला- मजनु, आरोबाव सबिली-सत्यबानबादि! नाथाय..... हागोन दा आं बे बुहुम बिखायाव थानानै ? बे थिफिलं जिउखौ लानानै, बे लोरबां सोलौंथायखौ लानानै, हागोनखि हाया, मोनगोन ना मोना गोसोआव..... हागोनबो खोमा आं सोरिनिबा थुलुंगानाय मोननाय मोनब्ला। गोसो जायो थेवबो सोलु सोनो गेदेमाफोरनाव आरो इसोरनाव। जेखियानो जाथौं नाथाय- आं दावगालांबाय थागोन, जेब्लासिम आं थान्खिआव सहैया, सोलौंबाय थागोन आं, जेब्लाहालागैसिम आं रोडा। आनि खन्थाइनि फिन्नायखौ जेब्लासिम आं मोनदाडा। हावरियाब्लाबो लागोन आं..... सोलौंथाय- मावलांगोन आं थादनाय नड, जेब्लासिमलागै आनि थैया गुदुडै थागोन। आनि आखाय-आथिं सोलिजासे, नाथाय गसाइ हागोनदा आं ?

जावबोयै-जावबोयै जावबोनाय आनि जिउनि फिसा दिडयाव साननि जौथि महरावबो खोमसि हरनि सांग्रेमानिसो साथिनायनि सोरां नुहोदौं। गोजोन स्रं लैथोनि बोहैबोनाय दैमा-दैसाफोरनि, निजोरनि गोजौं गुसु दैफोराबो हायाखै दिदने रानखावनाय बिखाखौ सुदेम गोजोनगलाय होनो। मिथिगानि बिखायाव थानाय बिफां-लाइफांफोराव सुदेम बारजौं रंजाबायनाय दावसिन-दावलानि मिलौदो देखोफोराबो- आंखौ मानोबा मोदै गहोसिनदौं। अनजालि सैनाया आंखौ जेब्ला नेवसिलांदौं, बेववो आनि गोसोआ मासे सांग्रेमानि साथिनाय नुथाय। गोजोननि मिजिं लानानै जावबोनाय नैबे आनि जिउ दिडया खोमसि लैथो मोनफैनाय बैथायानो बबावबा गोमाना थाबोबाय, आनि ह्रै फारसे सनानि राइजो दाहैनो सानाय मिजिंआ फेमाल जाबाय। गोसोखाडो दाबो आं सान-हर उन्दुनो ओंखारो, बि सैनायनि बिलिरनायावनो आनि मिजिंआ सुजुजानायमोन सानसे समाव जौं बेसेबांबा रंजा-बाजा मिनि खुसियै मिथिगा बिखायाव गेलेदौंमोन। बिखौनो गोसोखांबोला, मोदै बोहैयो थायनै मेगनाव, थेवबो सैनाय नौं आंखौ बावगारना गोजोनै था। आंबो बैथा गैयै जिउ दिडखौ लानानैब्लाबो लैथोनि बारा बौर बुखारलाडो बिजौनो आं थांगोन सनानि राइजोनि मिजिंआ गोमादौंब्लाबो गोदोया दिडया लैथो सिडव आय' नौं आनि- बैथा गैयै जिउ दिड।

श्री उरनसिं ब्रह्म
गामि: मावरियागाव

डनाल्ड ट्रम्पआ हामासना गोख्रों सांग्रांथि होदों

वाशिंगटन, 3 डिसेम्बर : आमेरिकानि गोदानै सायख 'जानाय हादतगिरि डनाल्ड ट्रम्पआ समायखिरा लानायनि सिगांनो गावनि गोख्रों आखुखौ दिन्थिनो जागायदों। बिथाडा हामासना सांग्रांथि होदोंदि, बिथांआ हादतगिरि बिबान आजावजासिमाव गाजापट्टीआव जोबथेना लाखिनाय सुबुंफोरखौ हगारब्ला बेनि गोब्राव बिजाउनजों भुगिनांगोन। ट्रम्पनि बे हुमखिया हादतगिरि ज' बाइडेन खुंथाइनि गुवार सोलो-खांथिनि उनाव सोरांआव फेदों। ट्रम्पआ ट्थ सशेल प्लेटफर्मआव लिस्टदों, जुदि बे'खनआव लाखिनाय सुबुंफोरखौ 20 जानुवारी, 2025 नि सिगां हगारब्ला, जाय सानाव इउएसएनि हादतगिरि महरें आबुडे बिबान आजावगोन अब्ला गेजेर-सान्जा आरो बे बिबानगिरिफोरनि थाखाय गिदिर साजा फोसावनाय



जागोन, जायफोरा बे सुबुं अनागारफोरखौ मावफुंदों, इउएसएनि गोबाव सम आरो जारिमिनआव रावखौबो एसेबां गाग्लोबवाखौ, बेनिफ्राय गोबां बांसिनै बिबान मावफुं'ग्रा सुबुंफोरनि सायाव गाग्लोबनाय जागोन। बे'खनआव लानाय सुबुंफोरखौ गोख्रे हगारनांगो। बेराफारसेथिं हामासआ दावि दैख्दांदि, इजराइल सान्थिया गाजाखौ नागारनांगो। बिसोरो गावसोर बे'खनआव लानाय सुबुंफोरखौ हगारनायनि बदले फिलिस्तानी कैदिफोरखौ

हगारनांगो होन्ना दावि खालामदों। हामासनि दावि दैख्दानायनि सायाव इजराइलनि गाहाइ मन्थि बेन्जामिनआ बुंदोंदि, जेब्लासिम हामासआ आबुडे जोबसाज अब्लासिम दावहा सोलिगोन। गाजा पट्टीआव थासारिया गिख्थाव थाखोयाव सौहैबाय। गुदिबिथा सुबिधाफोरा सिलिंखार जालांबाय आरो खावसेनि बांसिन सुबुं अन्जिमाया बिथा जांजायै आलाय-सिलाय जानांबाय।

सिरियाआव बिग्रायारिफोरनि सायाव गोदानै गाग्लोबनायाव सा 25 सुबुंफोरनि जिउ खह

दमिश्क, 3 डिसेम्बर: सिरियाआव थानाय अलेप्पनि सायाव बिग्रायारिफोरनि दख 'ल आरो गुबुन गुबुन ओन्सोलफोराव बिसोरनि हान्था-मेला खालामनाया बांगसिनो दड। बिग्रायारिफोरनि दख 'लाव थानाय ओन्सोलफोराव रसिया आरो सिरियानि दावहारु उरां जाहाजफोरा लान्थियै बम गावगासिनो दड। बे गोदानै बम गावनायाव सा 25 सुबुंफोर थैनायनि खौरं मोन्नाय जादों अदेबानि हा-सा बाहागोजों नायबिजिफिनायाव सा 400 बिग्रायारिफोरखौ गावथारदों होन्ना सरकार सान्थिफोरा दावि दैख्दांदि। बेनि गेजेरजों इराननि मदतगिरि मिलिशियाआ इरकनिफ्राय सिमना बारनानै सिरियाआव हाबो। बेयाव बिसोर बिग्रायारिफोरजों दावहा नांनयाव सरकार सान्थिफोरखौ हेफाजाब खालामगोन। बेनि थासारिनि सायाव रसियानि



हादतगिरि व्लादिमीर पुतिनआ इराननि हादतगिरि मसुद पेजेरिफोरनिफोराव फनाव सावरायो। रसियाआ बुंनय बायदब्ला, सिरियानि बशर अल-असद सरकारखौ बिसोर मदत होगासिनो दड आरो गोनांथि बायदियै सिरियानो सान्थियायि हेफाजाब होनाय जागोन। इरानआबो सिरियानो गासैबो बिथिडाव मदत खालामनो फोसावो। रसिया आरो सिरियानि उरां जाहाजफोरा

बिग्रायारिफोरनि दख 'लाव थानाय इदलिब सहराव बम गावयो। उरां जाहाज गाग्लोबनायाव थैनाय सुबुंफोरनि गेजेराव सा 10 गथ 'फोराबो दंफायोमोन। तुर्किनि सिमना

खाथि बिग्रायारिफोरनि दख 'लाव थानाय बे सहराव गासै 40 लाख सुबुंफोरा खस्टनि गेजेरजों अरायथा नडे न 'फोराव थाबोगासिनो दड। सरकारि सान्थिफोरनि दावि दैख्दानाय बायदब्ला, दावहायाव बिसोर बिग्रायारिफोरखौ होहरनानै माखासे हाखौ बिसोरनिफ्राय उदां खालामबाय। बेनि गेजेरजों आमेरिका, फ्रान्स, जार्मानी आरो ब्रिटेनआ गासै बाहागोफोराव सिरियाआव जे'नाखौ खम खालामनायजों लोगोसे नोगोरारिफोरनि रैखाथिखौ रोखा खालामनो आर 'ज गावदों।

रुपानि बेसेना बांदों



गोदान दिल्ली, 3 डिसेम्बर: माल्टि कमडिटि एक्सचेंज एबा एमसिएक्सआव दिने रुपानि बेसेन बांनयखौ नुनो मोन्दों। 3 डिसेम्बरखालि एमसिएक्सआव 2025 नि 5 मार्चआव डिलिभारि जानो गोनां रुपानि बेसेना 322 रां बांनयजों लोगोसे 91,132 रांआव फालांगि खालामदों। मंगलबार फुनि 11:21 रिगायाव रुपानि बेसेना 0.44 जौखोन्दो बायनयनयजों लोगोसे मोनफ्रोम किल 'ग्रामआव 91,209.00 रांसिम सौहैदों। मख 'नो गोनांदि, समबारखालि 2025 नि 5 मार्चआव डिलिभारि जानो गोनां रुपानि बेसेना मोनफ्रोम किल 'ग्रामाव 90,810 रांआव थाबथादोंमोन। मंगलबारखालि हादतनि गाहाइ सहरफोराव रुपानि बेसेनफोरा मोनफ्रोम किल 'आव 91,000 रां फालांगि खालामदों। समबारखालि दिल्लीनि सर्शाफा बाजाराव रुपानि बेसेनाव दावखलायनायखौ नुनो मोन्दोंमोन। समबारखालि रुपानि बेसेनाव 2200 पां दावखलायनायखौ नुनो मोन्दों। बे दावखलायनायजों लोगोसे दिल्लीयाव समबारखालि रुपानि बेसेना मोनफ्रोम किल 'आव 90,000 रां सौहैदोंमोन। अदेबानि थानायनि सप्ताहयाव शुक्रबारखालि रुपानि बेसेनाव 1300 रां बांनयखौ नुनो मोन्दोंमोन। थानाय सप्ताहनि बृहस्पतिबारखालि रुपानि बेसेनखौ गोबां दावखलायनाय नुनो मोन्दोंमोन। बुधबारखालि दिल्लीयाव रुपानि बेसेना 5200 रां बांनयखौ नुनो मोन्दों। बेबायदि गोख्रैथिजों बांनयनि उनाव दिल्लीयाव 1 किल ' रुपानि बेसेना 95,800 रांसिम सौहैदोंमोन।

No. E-585039/1

NOTICE

Subject to the amendment of the Assam Secondary Education (Government Schools) Service Rules of 2020 and the Assam Secondary Education (Provincialised Schools) Service Rules of 2018 and in pursuance of the Government approval accorded in the e-File bearing No. E-585039, there shall be a General Mathematics paper (10th Standard) of 15 marks in the TET cum Recruitment Test for filling up of the post of Post Graduate Teacher and Graduate Teacher of both Government and Provincialised Secondary Schools for which advertisements were issued vide No. E-392562/1, No. E-392562/2, No. E-392562/3 and No. E-392562/4 published in the local dailies vide common dated 27.12.2024. The assigned 15 marks in Mathematics paper (10th Standard) shall be within the notified syllabus of total 140 marks.

The breakup of the syllabus shall be as under:-
"140 marks in the following paper:-
The paper shall be of 140 marks (Pedagogy - 50 marks; About Assam and its People - 35 marks; General Mathematics (10th Standard) -15 Marks; General English - 30 marks; General Studies and Current Affairs -10 marks)".

Director
Secondary Education, Assam
Kahilipara, Guwahati -19

Janasanyog/D/9718/24/4-Dec-24

No. DHS/B TC/M&MS/158/ Dated, Kokrajhar the 3rd December/2024

PRESS NOTICE

The Director of Health Services Department, B.T.C., Kokrajhar hereby invites online bids from the eligible Bidders/Suppliers/Dealers/Distributors registered under Director of Health Bodoland Territorial Council, Kokrajhar for the following works/supply:-

Sl No	Name of Work/Supply	Amount (INR)
1	Procurement of Hospital Equipment's, Machineries/ Linens and other related material for consumption by different Health Institutions under BTR	4986200.00
2	Procurement of Hospital Equipment's, Machineries/ Linens and other related material for consumption by different Health Institutions under BTR	4984100.00
3	Procurement of Hospital Equipment's, Machineries/ Linens and other related material for consumption by different Health Institutions under BTR	4995760.00
4	Procurement of Hospital Equipment's, Machineries/ Linens and other related material for consumption by different Health Institutions under BTR	4995550.00
5	Procurement of Hospital Equipment's, Machineries/ Linens and other related material for consumption by different Health Institutions under BTR	4969340.00
6	Procurement of Hospital Equipment's, Machineries/ Linens and other related material for consumption by different Health Institutions under BTR	4995380.00

Details may be seen at www.assamtenders.gov.in and also in the office of the undersigned during office hours.

Sd/- Director of Health Services
Bodoland Territorial Council, Kokrajhar

IPR(BTC)/C/2024-25/998

वाइटिं लिस्टआव थानाय दावबायारिफोरा रिजाभेंसन डाब्बायाव हांथिनायनि सायाव मन्थिआ रोखा खालामदों

गोदान दिल्ली, 3 डिसेम्बर: सरकारआ राज्ज्यो सभायाव फोसमायदोंदि, वाइटिं लिस्टआव थानाय दावबायारिफोरा ट्रेनफोरनि रिजाभेंसन डाब्बाफोराव दावबायनो हाया। रेल मन्थि अश्विनी बैण्णभा सोंथिनि लिस्नानै होनाय फिनायाव बुडोदि, रिजाभेंसन डाब्बाफोराव दावबायग्रा एबा इमार्जिन्सियै रिजाभेंसन डाब्बाफोराव दावबायग्राफोरा वाइटिं लिस्टआव थानाय दावबायारिफोरनि खेंफोरथिखौ थिसन्नाय जाया। रेल मन्थिआ बुंदोंदि, गासैबो ट्रेनफोरनि वाइटिं लिस्टखौ नेमकांथि बादियै नोजोर लाखिनाय जायो। रेलवेआ फोर्बों, छुट्टिफोराव जर 'खा ट्रेनफोरखौ हगारो। गोजौ थाखोनि सुबिधा गोनां एलएइसबि डाब्बाफोराव मेनुएल कपलिं थाया। बे डाब्बाफोराव सेन्टर बफार कपलार लागानाय जादों। बावैसो सिगां इन्टरनेट मिडियाआव मोनसे जाब्रथायनि सावगारि गोसारदोंमोन। बे जाब्रथायाव सासे रेल मावसुमानि जिउआ डिक्पलिंनि समाव



इन्जिन आरो डाब्बानि गेजेराव नाखेबजानानै जिउ गोमादोंमोन। रेल मन्थिआ बे जाब्रथायखौ कपलिं एबा आनकपलिंनि जाहोनाव नड, सान्जा-गेजेर रेलवे आव रेलवे मावफारियाफोरनि गेजेराव गोरोन्थि बुजिलायनायनि जाहोनाव जादों होन्ना बुजे। सिगां फासै मन्थिआ बुहोदि, रेलवे रैखाथि कमिसनारनि

नायबिजिनय बादिब्ला, 17 जुनि कान्चनजंघा ट्रेन जाब्रथाया ट्रेन हगारनायाव गोरोन्थि जानायनि जाहोनाव जादोंमोन। सा-सान्जा सिमना रेलवेनि कटिहार डिभिजननि रंगपानि-चटरहाट ब्लक आव कान्चनजंघा एक्सप्रेस मालगारिजों सौग्रावदोंमोन। जाब्रथायखौ रेलवे रैखाथि गाहाइ कमिसनारनाय नायबिजिरदों आरो बेनि रिपटखौबो मोनबाय। रिपटआव बे जाब्रथायखौ ट्रेन सालायथायाव सोमजिनय जेना होन्ना फोरमायदों।

बाइडेनआ गावनि हाबा मावनाय समा जोबनायनि सिगां मख 'जाथाव थांखि लादों



वाशिंगटन, 3 डिसेम्बर : आमेरिकायाव हादतगिरि ज' बाइडेनआ भारतखौ लानानै मख 'जाथाव थांखि लायो। बाइडेन खुंथाया थानाय समबारखालि कं ग्रेस (आमेरिकानि संसद) नो फोसमायदों, बिसोर 'एमएइच-60 आर माल्टि-मिशन हेलिकप्टर इक्युपमेन्ट आरो सोमोन्दो गोनां जेन्थोरफोरखौ फानो थाखाय गनायथि होनो थांखि लायो, जायनि हमादनाय बेसेना गासै 1.17 आर 'ब आमेरिका डलार। आमेरिकानि फारसेनिफ्राय लानाय बे थांखिखौ भारतनि थाखाय जोबोद मख 'जाथाव महरें

गनायना लानाय जादों। रैखाथियायि हेफाजाबगिरि एजेन्सिया फोरमायनाय बायदब्ला, जेन्थोरफोरफानाय बिथांखिया भारतनि साबमेरिनि होबथाग्रा दावहा नायनाय गोहोजों लोगोसे इयुनि अलखदफोरखौ होबथानाय गोहोआवबो साबसांहोगोन। खौरनि बायदब्ला, भारतआ 30 माल्टि फंक्शनेल इन्फर्मेशन डिस्ट्रीब्युशन सिस्टेम-जइन्ट टेक्टीकेल रेडिय सिस्टेम बायनो थांखि लाखिदों। रदायनि गेजेरजों भारतआ 30 माल्टिफंक्सन इन्फर्मेशन डिस्ट्रीब्युशन सिस्टेम जइन्ट टेक्टीकेल रेडिय सिस्टेमबो मोनगोन। बेयाव उन्नत डाटा ट्रान्सफार सिस्टेम, बायजोयारि इन्धन टैंक, फ्रवाड लुकि इन्फ्रेड सिस्टेम, अपारेटर मेशिन इन्टरफेस, उफ्रा कन्टेनार बायदि मोनगोन। लोगोसे डिजाइन खालामनाय आरो नाय बिजिनय आव बो आमेरिकायाव मदत होगोन। मख 'नो गोनांदि, बाइडेन खुंथाया भारतनो गाहाइ रैखाथि जेन्थोरफोरखौ फाननो गनायथिखौ गावनि 4 बोसोर हाबा मावनाय समा आबुं जानायनि माखासे सप्ताह सिगां होदों। बे थांखिजों भारतआ र्हाय मोन्दों। मानोना बाइडेन खुंथाया बे रदायखौ गनायथि होयाब्ला गोदान सरकार दानायनि उनाव बेनि गनायथि होनायाव सम नांवावो हागोमोन।

अलप्पुझाआव कार-बासनि सौग्रावनायजों सा 5 एमबिबिएस फरायसाफोरनि जिउ ख 'हा



केरेला, 3 डिसेम्बर:केरलानि अलप्पुझाआव समबारखालि हराव केरेला राज्ज्यो लामा हान्था-मेला निगम (केएसआरटिसि) नि बासआ गंसे कारजों सौग्रावयो। बे जाथायाव कारआव गाखोनाय सा 5 लाइमोनफोरनि जिउ गोमायो आरो बिसोर गासैबो एमबिबिएसनि फरायसामोन। पुलिसनि बायदब्ला, बे जाब्राबथाया कलारकडनि खाथियाव हरनि 10 रिगायाव जायो। सुलुडव फोसमायनाय बायदब्ला, सौग्रावनायनि

जाहोनाव कारआ आबुडे सिलिंखार जायो आरो गाखिखौ सिफायनानै बेयाव जियनयय सुबुंफोरखौ बायजोआव दिहुन्नाय जायो। पुलिसनि बायदब्ला, थैनायफोरखौ दासिमबो सिनायनो हायाखै। बिसोरनि गासैबो सरकारि मेडिकल कलेजनि एमबिबिएस (बेचेलेर अफ मेडिसिन एन्ड बेचेलेर अफ साजारी) नि फरायसामोन। बासआव गाखोनाय गुबुन सानै दावबायारिफोरा सरासन्सा जोखोम जायो। बे जाथायनि

उनाव लामायाव गारिफोरनि हान्था-मेलायाव गोहोम गोर्लैयो। आथिखालाव दासिमबो बेनि जाहोनखौ मिबथिनो मोन्नाय जायाखै। फारसेथिं गुबुन मोनसे दुखुनांथाव जाथायाव कर्नाटकनि हासन जिल्लयाव गावनि गिबि पस्टि लानानै थांबाय थानाय 26 बोसोर बैसोन भारतीय पुलिस सिबिथाइ (आइपिएस) बिबानगिरिया लामानि जाब्रथाइआव रंसारि जायो। पुलिसआ थानाय समबारखालि बे जाथाइनि खौरं होयो।

No. ACE-106/PWD/IFB/PT-1/2023-24/82 Dated Kokrajhar the 3rd Dec/2024

TENDER NO. 39 OF 2024-25

PRESS NOTICE
(e-Procurement)

The Addl. Chief Engineer-cum-Director, PWD, BTC, Kokrajhar invites fresh bids on behalf of Governor of Assam for 8 Nos. of works under Executive Engineer, PWD, (Bldg & NH), Udalguri District & Baksa District Territorial Building Division, Udalguri & Executive Engineer, PWD, Mushalpur (R&B) Division, Mushalpur amounting to **Rs.345.889 Lakh** (Approx.) from the eligible contractors registered under Class-III, Class-II, & Class-I (A,B&C) category under PWD (Roads/Buildings), Assam or BTC.

Details may be seen at website <http://assamtenders.gov.in> and also at the office of the undersigned during office hours.

NB: Rate quoted will be evaluated as per BTC, Govt. Notification vide No.BTC/PWD(R)-11/2009/PT.II/139, Dated Kokrajhar the 22/02/2023

Sd/-
Addl. Chief Engineer, Cum Director, PWD,
Bodoland Territorial Council, Kokrajhar

IPR(BTC)/C/2024-25/999

आसामनि गिबि मन्थि हिमन्त बिश्वा शर्माआ उ'नार मन्थि सिन्धियाजों जौगाखां ...

बेंगिरि मावख'नि सावराय न'ब्लाडव जिल्ला जौगाखां बिथांखिफोरनि सायाव मोनसे नायफामफिननाय मेल खुंनाय जायो । जिल्ला जौगाखां आफादन सावराय मेलाव तामुलपुरनि जिल्ला बेंगिरि पंकज चक्रबतीआ दैदेनन्दोमोन आरो जिल्लानि गुबुन गुबुन बिफान आरो मिशनफोरनि बिबानगिरिफोरा बाहागो लायो । जिल्ला बेंगिरि पंकज चक्रबतीआ बिबानगिरिफोरखौ हायुंआरि बिथिडव जिल्लानि मोनफुंथायनि बागै फोरमायो । बिथाड बे जाफुंसारनायनि थाखाय बिबानगिरिफोरनि हेफाजाबखौबो बाख्यदोमोन । बे जथुमाव बिफानफोरनि खामानिफोरनि दावगानाय आरो जौगालु हाबाफारिफोरखौ थि समावनो मावफुंथायनि सायाव सावरायनाय जादोंमोन । जिल्ला बेंगिरिआ माखासे सोमोन्दो गोनां बिफानफोरनि मावख'गिरिफोरखौ सुबुंफोरनि गेजेराव थानो आरो सांग्रांथि लाबोनो खवलायो । बिथाड बिफानफोरनि सिडव आबुं जायै खामानिफोरखौ गोखै फोजेबनायनि फासैंबो गासैंबो मावख'गिरिफोरनि गोसोखौ बोनो हादोंमोन ।

राज भवन आसामा नागालेन्डनि गायसन्नाय ...

जुनातनि थाखाय बेखौ सरासनस्यैयै 'सान्जानि सुइजारलेन्ड' बुंनाय जायो । भारतनि 'सि बिब' - बिबानाव'नि मोनसे गाहाइ बाहागो महरै, नागालेन्डआ खालि गावनि मिथिंगायारि फुंखाफोरनि थाखायल' नड नाथाय गावनि हारिमुआरि बायदि रोखोमनि थाखायबो गोनांथार । नागालेन्डनि सुबुंफोरा गावसोरनि गोथौ रोदानि दोरोंफोरजों, साहस, गोब्राब नाजानाय आरो मिथिंगाजों गोथौ सोमोन्दो दं । राइज्योनि हारिमुआरि उनमोनथाइखौ नेम-खाथिफोर, फोबोंफोर आरो आरिमु महरफोरनि गेजेरजों सरैखा खालामनाय जायो । नागालेन्डनि हारिमुआरि केलेन्डरनि मोनसे गाहाय आबुंथाया जाबाय मुदांखा हर्नबिल फोबों, जाय गोथार हर्नबिल दावनि मुडव दोनाय मोनसे जिउ गोनां दावबायथाय हाबाफारि । बे फोबोंआ नागा सुबुंफोरनि खौसेथि आरो गोमगानायनि नेरसन आरो राइज्योनि धोनि हारिमुवारि रोखोमथायखौ नायनो थाखाय मोनसे रुजुजायै खाबु होयो । राइज्यो बेंगिरि उदांसि सोमावसारनायाव मख'जाथाव बिफाव लानाय नागालेन्डनि गेदेमा उदांसि सोमावसारगिरि रानी गाइदिनलिउनि सायावबो बिबुंथि होयो । ब्रिटिश फामुवारि खुंथायखौ हेंथा होनायाव बिथांजोनि साहस गोनां नाजानाया गासैंबो भारतारिफोरनि थाखाय मोनसे अरायथा थुलुंगानि फुंखा । मख'नो गोनांदि नागालेन्डनि गायसन्नाय सान फालिनाया गाहाय मन्थि नरेन्द्र मदिनि दैदेननायाव मोनसे जारिभिनारि हाबाफारि 'एक भारत श्रेष्ठ भारत'नि गुवार नोजोरजों गोरोबो । बे हाबाफारिया भारतनि गासैंबो राइज्योफोरनि गेजेराव खौसेथि, गोरोबलायनाय आरो गावजों-गाव सन्मानखौ बांहोनो नाजादों । नागालेन्ड बायदि राइज्योफोरनि गायसन्नाय सानफोरखौ फालिनाया हायुंआरि खौसेथिखौ गोखौ खालामो आरो भारतनि बायदि रोखोमनि हारिफोरनि गेजेराव बिदा-फंबायनि सोमोन्दोखौ बांहोयो ।

लक जागरण मन्स'आ कक्राझारआव बांलादेशनि थासारिखौ लानानै हेंथा लामा हान्जा सुरदों

लक जागरण मन्स' कक्राझार दालाइनि बान्जायनायाव बे हेंथा सोमावसारनाय लामा हान्जा सुरनायखौ कक्राझार सहर सुभासपलनि डिएन हिमन्तसिंका गेलेमु फोथारनिफ्राय जागायजेन्नाय जिल्ला बेंगिरि मावखुलियाव फोजेबहैनाय जादों । मख'नो गोनांदि, हेंथा लामा हान्जा सुरनायाव जायगानि राइजो-रजाफोरजों लोगोसे माखासे बिजेपि, आरएसएस आरो इउपिएलनि दैदेनगिरि-मावफारियाफोरा बाहागो लाफेदों । आसाम राइज्यो आरएसएसनि लोगो नेहाथारि पारितस घसआ बे हेंथा लामा हान्जा सुरनायाव बाहागो लाफेनानै खौरं बिजोनि सिगाडव बुंदोंदि, इस्लाम धोरोमारिनि सुबुंफोरा जाय जिहादिनि लामाखौ सायख'ना लादों बेनि हेंथायै दिने कक्राझारनि बे हेंथा लामा हान्जा सुरनाया बांलादेशनि युनुस सरकारखौ सोलायनाय आरो माइन् 'रिडि सुबुंफोरनि रैखाथिखौ रोखा खालामनायनि दाबि दैखानाय जादों होन्ना मिबथि होयो । फासैंथि आसाम राइज्यो सान्थौगिरि गाहाइ, आरएसएसनि रातेन्द्र सिन्हाआ थांनाय 5 आगस्टनिफ्राय बांलादेशनि सनातनि हिन्दु धोरोमारि सुबुंफोरनि सायाव इनायै उतखार खालामदों । बिथाड भारतनाइनेो बे हेंथा सोमावसारनाय लामा हान्जा सुरनायखौ खुंनाय जादों होन्ना मिबथि होनायै बांलादेशआव जिउ खुंनाय हिन्दु आरो गुबुन गुबुन माइन् 'रिडि सुबुंफोरनि सुबुं मोन्थाइ, धोरोमारि मोन्थाइ, समाजआरि मोन्थाइ, रंखाथिथारि मोन्थाइ, हारिमु मोन्थाइ आरो राजखान्थि मोन्थाइखौ रोखा खालामनो थाखाय भारत सरकारनि गेजेरजों बांलादेशनि युनुस सरकारनिसिम हुमखि होनो नाजानाय जादों होन्ना मख'यो । बिथाड थाबैंनो बांलादेशआव जिउ खुंनाय हिन्दु धोरोमारि सुबुंफोरनि सायाव उतखार खालामनाया बन्द' जागोन होन्ना मिजिथिदों ।

मुदैवारि ब्लक इउपिएलनि गोदान कमिटिआ...

गोदान कमिटिनि समायखिरा लानायखौ फरायथियो । बे गोदान कमिटिआव आफादगिरि महरै पबित्र बसुमतारि, खुंथायारि नेहाथारि महरै जतिन नाथ, लेडाइ आफादगिरि जगत डेका आरो आजिजुल महम्मद, आफादआरि नेहाथारि महरै भाइग' बर'मोनजों लोगोसे माखासे दैदेनगिरि मावफारियाफोरा समायखिरा लादों । बे मेलखौ गोदानै सायख' जानाय आफादगिरि पबित्र बसुमतारिआ सामलायदों ।

बजालिआव देहा सिबिथाय फोबों-3 आ दिनेनिफ्राय जागायजेनबाय

भवानिपुर, 3 डिसेम्बर: बजालि जिल्लायाव देहा सिबिथाय फोबों-3 आ दिनेनिफ्राय सानथामनि हाबाफारिजों जागायजेनो । देहा सिबिथाय फोबों-3नि दिनेनि जागायजेनाय हाबाफारि बायदिदै भवानिपुर बिधान सभा बियाबनि एमएलए फनिधर तालुकदारआ भवानिपुर जथाय देहा मिरुआव नायगिदिहैयो । बेनि अनगायैबो बजालि जिल्ला बेंगिरि मुदुल कुमार दासआ कावैमारि राइजोआरि देहा फाहामसालिआव नायगिदिहैयो । जिल्ला बेंगिरिजों डा: बैसाख डि आरो डा: दिलिप कुमार डेकाआ नायगिदिहैनै देहा फाहामसालिखौ बेसेनथियो ।



बजालि जिल्ला बेंगिरि मुदुल कुमार दासआ कावैमारि राइजोआरि देहा फाहामसालिआव नायगिदिहैनै बुडोदि, देहा सिबिथाय फोबोंआ बजालि जिल्लानि देहा फाहामसालिफोरनि फारफ्रोमबो बिथिडव जौगाथायाव मदद होगोन । गुबुन फासैंथि, बजालि जिल्लानि उफ्रा जिल्ला बेंगिरि उर्मि मेधिआ बनगाव फिसा गुदि देहा मिरुआव नायगिदिहैयो । मख'नो गोनांदि, दिने राइज्योनि गुबुन जिल्लाफोरजों लोगोसे बजालि जिल्लायावबो देहा

सिबिथाय फोबों-3आ जागायजेनो । देहा आरो नख'र अन्साइ बिफान आरो माहारियारि देहा मावथांखि, आसामनि बान्जायनायाव दिनेनिफ्राय सानथामनि हाबाफारिजों जागायजेनाय देहा सिबिथाय फोबों-3 आ फेगौ 5 डिसेम्बरआव थुंगेहोगोन । दिने देहा सिबिथाय फोबों-3 नि गिबि सानाव बजालि जिल्लानि गं 10 देहा फाहामसालिफोरनि बेसेनथिनाय जायो । मख'नो गोनांदि, बजालि जिल्लायाव हे देहा सिबिथाय फोबों 3 सानाव जिल्लानि गासैं गं 23 देहा फाहामसालिफोरनि बिजिगरिया नायबिजिहैगोन ।

सालबारिनि हिमगिरि बर' बिजों फरायसालियाव मुलुगनां बेंगुरा सान फालिदों

भवानिपुर, 3 डिसेम्बर: समग्र शिक्षा मिशन, बाक्सानि जालाह गुदि सोलोंथाइ खोन्दोनि सिडव दिने बाक्स जिल्लानि सालबारि महकु मानि राबोंगुरियाव थानाय हिमगिरि बर' बिजों गोजौ फरायसालियाव मुलुगनां बेंगुरा सान फालिनाय जायो । सानसेनि हाबाफारिजों खुंनाय मुलुगनां बेंगुरा सान फालिथाय जागायजेनायाव फरायसालिनि फिफलाखौ बिरहोयो हिमगिरि बर' बिजों फरायसालिनि गाहाइ फोरोंगिरि चिजेन गयारीआ । मुखुंफोरनो मान बाउनारि, बिफांफु गि गायनाय बायदि हाबाफारि खुंनायनि उनाव बेंगुरा फरायसा, दिथागिरि, फोरोंगिरिफोरनि हेफाजाबाव मोनसे सांग्रांथियारि हान्जा सुरनाय

हाबाफारि खुंनाय जायो । बर'बाजारनि एसएसबि बादानि बिबानगिरि श्रीराम नन्दनआ बेखेवनानै होनाय सांग्रांथियारि हान्जा सुरनाय हाबाफारिनि गेजेरजों समाजाव बेंगुराफोरादि समाजनि नायथावजायै नड, बिसोरहाबोदि सोलोंथाइ मोन्दो हायो बेखौ रिफिखांहोनो नाजायो । बेनि अनगायैबो बेंगुराफोरनि गेजेराव सावगारि बोनाय, गोसोखांथि आन्जाद, सोंगाव, मोसानाय, मेथाइ रोजाबनायजों लोगोसे गुबुन गुबुन बादायलायनाय खुंनाय जायो । बेलासियाव जालाह गुदि सोलोंथाइ खोन्दोनि खोन्दो मिशन क-अडिनेटर गोरोंग चन्द्र मबर्ननि आफादगिरि मासि सामब्लायनायाव खुंनाय आरो भदेब गस्वामीआ

थांखि बेखेवनानै होनाय आरो बान्था रान्नाय मेलाव जालाह खोन्दो ओन्सोलनिफ्राय 2024 बोसोरनि मेट्रिक आन्जादाव उथ्रिसारनो हानाय सा 5 बेंगुर फरायसाफोरखौ जर'खायै बरायनाय जायो । गेवलां मेलाव बिटिसिनि कक्लाबारि बियाबनि एमसिएलए मन्तु बर', एसएसबिनि बिबानगिरि श्रीराम नन्दन, भिसिडिसिनि मासिगिरि, सिआरसिसिजों लोगोसे ओन्सोलनि माखासे गागि सुबुंफोरा आलासि महरै बाहागो लानानै बिबुंथि होयो । मख'नो गोनांदि, दिनेनि हाबाफारियाव बेंगुरा लाइमोन प्रानजित दास आरो काबेनि दासआ गावनि नाजानायवा अखाइजों दानाय जि-जोमनि मोनसे दिन्थिफुंथायबो खुंनाय जायो ।

भेरगावनि बिष्णु राभा कमप्लेक्सआव हादरनाडारि बेंगुरा (दिव्यांग) सान फालिफुदों

सानसेनि मेहेरगोनां हाबाफारिनि गेजेरजों अल बि.टि.आर डिफोरेन्टलि एब्लड पार्शन प्रटेक्सन अर्गेनाइजेसननि बान्जायनायाव बि.टि.आरनि ससिएल जास्टिस इमपावारेमेट बिफाननि मददथिजों बि.टि.आर नि मोनबा जिल्लानि सिडव थायाय साफ्रोमबो बेंगुरा देहायारि लोरबांथि गोनां सुबुंफोरखौ लानानै बे सानखौ गाजा गोमजायै खुंफुनाय जायो । फुंबिलि समाव आफादनि गोथार फिरफिला बिरहोनायनि गेजेरजों हाबाफारिया जागायो । बे हाबाफारिखौ मावफुंनानै होयो मिरु आफादनि आफादगिरि प्रदिप मोसाहारीजों लोगोसे मोनबा जिल्ला आफादनि आफादगिरिमोन्हा । बि टि आर नि सिडव आरो बायजोआव थायाय बेंगुरा थामहिनबा देहायारि नोरजिया सुबुंफोराबो गोगो देहा गोनां सुबुंफोरबायदिनो समान-समान मोन्थायनि गोनांथि दंड, जायनि थाखाय बि.टि.आर सरकारआ सुबुं अन्साइ एबा मानभ सेभा बिथांखिनि गेजेरजों मोन्दो हाथाव सुबुंफोरखौ बासिनायनि गेजेरजों थाना थानो हानाय बायदिदै बि टि आरनि गंफ्रोमबो बियाबआव गंफा-गंफायै इ-रिक्सा गारि बायनानै होनाय जादों, बेनि अनगायैबो देहायारि लोरबां सुबुंफोरनि आबुं नंगुबै सिनायथिनि थाखाय दासिमाव 12 रोजानिखुइबो बांसिन सुबुंनो फोरमान सिनायथि लाइ रान्नाय होनाय जाबाय आरो आद्रा थायायखौ मोनथावना सुबुंफोरनो थाबैंनो होबावनाय जागोन होन्नायै बिबुंथि लाखियो हाबाफारियाव माननि आलासि महरै बाहागो लाफेनाय मावफुं सोद्रोमा गौतम दासआ ।

बेराफारसे सोलोंथाइ, गेलेमु, हारिमुआरि, आरो सरकारि साखिआव थिसनथाय होनायनि थाखाय जर'खा मासि थि खालामना होनाय जादों आरो अरुणदय बिथांखिनि गेजेरजों दानफायाव मोन्दो हानाय सरकारनि राडरि अन्सुंथाइनि गेजेरजों एसेब्लाबो गावखौ सुंथानो हाबाय होन्नाबो दिनेनि सानाव बुंथिना होयो बिथां दासआ । बेराफारसे आफादनि आफादगिरि मोसाहारीआ गावनि बिबुंथिआव फोरमायना होयोदि, थांथाय हाग्रामा महिलारीनि दैदेननाय बि टि सि सरकारनि समाव बेंगुरा सुबुंफोरखौ बिमा गदायनि नोजोरजों नायबोदों बिथांनि सरकार सामलायनाय समाव मोन्दो गोनांखा खानुफोरखौ जों मोनायनिफ्राय जानगाराव थानो गोनां जादों । नाथाय सोलिफु सरकारनि समाव गेलेमु बिथिडवनो जा सोलोंथाइ, हारिमु, सरकारनि साखि थिसन्थाइ बायदिफोराव जों जर'खायै मासि आवग्रिनो हादों आरो दिनेनि सानाव खुंफुनाय हाबाफारियाव जानाय-लौनाय, थांलाय-फेलाय हान्था मेलानि राहा बायदिफोरखौ खालामना होनायखौ गोजोनाय फोरमायो आफादगिरि मोसाहारीआ ।

देहा सिबिथाय फोबोंखौ उदालगुरियाव जिल्ला बेंगिरि पुलक पाठगिरिआ बेखेवना होबाय

एबा मान सायख'गिरिफोरखौ बरायनाय जायो । बे फोबोंआव उदालगुरि जिल्लानि गं 50 फाहामसालिफोरखौ नायसंनय जागोन । बेनिनो गंसे जिल्ला सिभिल फाहामसालि, गं 9 जुथाइ देहा मिरु, गं 24 गुदि देहा मिरु, गं 5 आयुष्मान आरय मर्दिन आरो गं 11 साहा बागाननि फाहामसालिफोरखौ लाफानाय जादों । देहा फसंथानफोराव जिल्लानि गुबुन गुबुन बिफाननि सा 11 गागि बिबानगिरिफोरा बाइजोयारि नायसंगिरि महरै आन्जाद नायगोन । लोगोसेनो लक्षिमपुर फाहामथाय फरायसालिमानि सा 5 फाहामथाय बिबानगिरि, उदालगुरि जिल्लानि गुबुन गुबुन देहा फसंथाननि सा 12 फाहामथाय बिबानगिरिफोरा आन्जाद नायगासिनो दड । गुबुन फारसे सा 8 आइपिएस, एपिएस, एएफएस थाखोनि बिबानगिरिफोरा बायजोयारि बेसेन थि खालामगिरि महरै आन्जाद नायगासिनो दड । मख'नो गोनांदि, उदालगुरि जिल्लानि पुलिस बिबानगिरि पुस्किन जैनआ दिने बान्दरगुरि राइज्यो दिस्पेन्सेरियाव बायजोयारि बेसेन थि खालामगिरि महरै आन्जाद नायदों । हाग्रा बिफाननि सिलभिकाल्सासिस्ट बिबानगिरि दिबाकर देबआ काजियामाति आरो फाकरिबारि राइज्यो दिस्पेन्सेरिखौ नायसंफेदों । पुलिस बिबानगिरि रुबुल गुरैआ भकेलिकान्डा आरो बरमुकलि नायन गुदि देहा मिरुखौ नायसंफेदों ।

लोगोसेनो उदालगुरि जिल्लानि लेडाइ पुलिस बिबानगिरि (क्राइम) महाम्मद मुजापर हुसेइन्, भेरगाव डिभिजननि पुलिस बिबानगिरि दुर्गा किंकर शर्मा, हाग्रा बिफाननि आफां आसाम सार्केलनि प्लेनि बिबानगिरि जयन्त कुमार नाथ, सोनाब कामरुप डिभिजननि हाग्रा बिबानगिरि सुबध तालुकदारमोनजों लोगोसे आसाम सरकारनि गोजो थाखोनि बिबानगिरिफोरा गुबुन गुबुन ओन्सोलाव देहा सिबिथाय फोबोंखौ लोब्बा लानानै बाइजोयारि बेसेन थि खालामग्रा महरै देहा फसंथायफोराव नायसंफेयो । मख'नो गोनांदि, दिने जिल्लानि सिडव थायाय गं 17 देहा फाहामसालियाव देहा सिबिथाय फोबोंनि हाबाफारिखौ जागायजेदों ।

जाथायसालियाव बुथारनाय जाथायनि दायनिगिरि राना कुमारआ गासै जाथायखौ सिमान जादों

राना कुमार रामखौ लानानै दिने बुथारनाय जायगायाव बाक्सा पुलिसआ नुजाफेयो । काताझारआव माबोरै बाबुलाल हरिजनखौ बुथारनाय जादोंमोन बेनि क्राइम सावगारिखौ थियारि खालामदों बाक्सा पुलिसनि मोनसे हान्जाया । जाथाय सालियाव पुलिसनि सिगाडव रोखायै सिमान जादों बुथारगिरि मोजां मोन्नाय सेंग्रा राना कुमारआ बाबुलाल हरिजनखौ बिसोर सानैजों खासि-बिसि माबोरै बुखारदोंमोन । बुथारनानै माबोरै खारखोमादों, बुथारनाय जाथाय सोमजिहोनानै बेंगालुरुआव थाखोमाहैनयजों लोगोसे माखासे गासै बाथ्राखौ दायनिगिरि मोजां मोन्नाय सेंग्राया सिमान जादों । नाथाय बुथारनाय जाथायाव बाहायनाय औवानि थुखाखौ नागिरानानै बुथारगिरि आरो पुलिसनि हान्जाया हालाय-हाफाय जानादों । बुथारनाय जाथायाव बाहायनाय दंफोनि थुखाखौबो पुलिसनि हान्जाया बोखानो हायाखै । फारसेथि, केस थिसनग्रा बाबुलाल हरिजननि फंबाइथा सन्देह खालामदोंदि, बिदाखौ बुथारनाय जाथायाव सोरबा लोब्बा थाबाननो हागौ । पुलिसआ जाथायखौ लानानै थि संदानानै दायनिगिरिखौ फासि होनायनि दाबि देखाडो बाबुलालनि फंबाइ आरो राइजो-रजाफोरा ।

फसंथानफोरखौ जौगाखां भारत लाइमोन दैदेनगिरि बिबुंखिखौ जाफुंसार होनो खवलायदों

होनो खवलायो । बिथाड बुंबावोदि पर्टेलाव रेबथुमनायनि गेजेरजों फरायसाफोरा कुइज, मोनसे राइथाय लिरनाय खोन्दो आरो मोनसे भिजन डेकनि जौगाथायजों लोगोसे जौगाखां भारत चेलेन्जआव बाहागो लानो हागोन । राइज्यो बेंगिरिया मेलाव बुंबावोदि सोलोंथायारि फसंथानफोरनि दैदेनगिरि महरै बिसोरो बे हाबाफारिखौ जाफुंसार होनायाव गोनां बिफाव लानो हायो । फसंथानफोरा कुसिबल जेराव सानस्त्रिफोरा महर लायो आरो दैदेनगिरिफोरखौ जोथोन लानाय जायो । बेनिखायनो, बिथाड गासैंबो गाहाइफोरखौ फरायसाफोरखौ एमवाई भारत पर्टेलाव रेबथुमनो थाखाय थुलुंगा होनो आरो बेजों होजानाय गोबां खानुफोरखौ नायगिरनो थाखाय खवलायो । राइज्यो बेंगिरिया बिथांमोनखौ जौगाखां भारत लाइमोन बिबुंथिनि मुलाम्फाफोरखौ दिन्थिनो थाखाय सांग्रांथि फोसावनाय, मावबादा आरो अरियेन्टेसन जथुमफोर खुंनो खवलायो । राइज्यो बेंगिरिया बुंबावोदि जाय फसंथानफोरा गोजौ रेबथुमनायजों लोगोसे बाहागो लागोन, बेफोरखौ राज भवनाव गनायनाय जागोन आरो बान्था होनाय जागोन ।

सान्जा कक्राझार बिधान सभा बियाबनि भिसिडिसि थाखोनि खेल महारनआ...

आरो गेलेग्रा फोथारव सान्जा कक्राझार बियाबनि एमएलए लरेन्स इस्लारीआ खेल महारनखौ बेखेवनानै होयो । बेखेवनाय हाबाफारियाव कक्राझार जिल्लानि जिल्ला बेंगिरि माचान्दा पार्टिन आरो गागि गेलेमु बिबानगिरिफोरा बाहागो लायो । मख'नोगोनांदि, खेल महारन 2.0 नि बादायलायनायफोरा मोनथाम जायगायाव खुंजाजोन, बेनो जादों फारिथै- कक्राझार जिल्ला गेलेमु आफादनि गेलेग्रा फोथार आरो स्टैडियाम, साइ फोरोंथाइ मिरुनि गेलेग्रा फोथार आरो कासिबारि जथाय गेलेग्रा फोथारव । बादायलायनायाव सोसन्नाय गेलेमुफोरा जादों एथलेटिक्स, फुटबल, भलिबल, काबादि, साइक्लिं आरो डाबा बायदि । मख'नो गोनांदि सान्जा कक्राझार बिधान सभा बियाबनि सिडव थायाय मोन 28 भिसिडिसिनि गेलेगिरिफोरा बे बादायलायनायाव बाहागो लागोन । बे बादायलायनाया फेगौ 5 डिसेम्बरसिम सोलिंगोन ।

आक्रासुनि निमुवा दखरा आफाद दाफुदों

आक्रासुनि गौथुमारि बिथि, थांखि आरो नोजोरनि सायाव गुवारै फोरमायथिनानै होयो । मेलाव भवानन्द बर्मनखौ आफादगिरि, निबास लस्कर आरो प्रनय बर्मनखौ जथाय नेहाथारि महरै सायख'नानै आक्रासुनि निमुवा दखरा आफादनि गोदान मावफुं आफादखौ दाफुनाय जायो ।



SWASTHYA SEWA
UTSAV



आसाम सरकार



माहारियारि देहा मावथांखि, आसाम

देहा सिबिथाय फोर्बो-3

3 निफ्राय 5 डिसेम्बर 2024

भारत हादतनि गेजेरावनो गिबि
खेबनि थाखाय आसामाव
जागायजेन्नाय 'देहा सिबिथाय
फोर्बो'नि थांखिया जादों जथायै
राइज्योनि देहा खोन्दोनि लुफुंथाय
फोजौखांनाय आरो सरासनर्रा
राइजो-राजाफोरनो गुन गोनां
माननि देहा सिबिथाय होनाय



राइज्योयाव देहा सिबिथाय -1 आरो 2 खौ जाफुंसारै खुफुंनायनि उनाव 3
डिसेम्बरनिफ्राय 5 डिसेम्बर 2024 सिम देहा सिबिथाय फोर्बो-3 खुंनाय जादों

देहा सिबिथाय फोर्बो'नि 3 थि खोलोबनि बेसेनथिनाय हाबाफारियाव गं 1,599 देहा फसंथानफोरखौ लाफानाय जादों

01

गं 22 जिल्ला देहा
फाहामसालि

02

गं 17 महकुमा सिभिल
देहा फाहामसालि

03

गं 216 जथाय
देहा मिरु

04

गं 1,007 गुदि
देहा मिरु

05

गं 170 साहा बागान देहा
फाहामसालि

06

गं 165 आयुष्मान
आरङ्ग मन्दिर

07

गं 2 आयुष देहा
फाहामसालि

देहा सिबिथाय फोर्बो'नि गेजेरजों
राइज्योनि देहा सिबिथाय
खोन्दोनि फारागथिफोरखौ
सिनायथिनाने देहा सिबिथाय
साहाखौ फिथाइ गोनां आरो
गोखौ खालामनाने माहारियारि
सुबुं देहानि मान
(आइपिएइसाएस), 2022 सिम
फोजौखांनायनि मोनसे थांखि
आजावनाय जादों।

बेरामिफोरनो रैखाथि आरो गुन गोनां, मावफुंजानाय आरो साबसिन माननि
सिबिथाय होनायखौ रोखा खालामनायनि मोनसे थाद'नाय गैयै थांखि